




1000



第二册

七十一葉

程箋梅村詩集

卷三卷四

吳梅村先生詩集卷第三

鶴市迓亭程穆衡原



古近體詩七十四首 起丁亥游越盡庚寅

南生魯六真圖歌

并引。山東通志崇禎丁丑進士南源洙濮州人官參議

山東南生魯官浙之觀察

杭州府志分巡溫處道南源洙順治八年

任命謝彬畫已像

續圖繪寶鑑謝彬字文侯上

目照映海

而劉復補山水

昭文縣志劉復隱凡

六圖其一坐方褥聽兩姬搗箏吹洞簫其一焚

香彈琴流泉瀉階下旁一姬聽倦倚石一會兩

少年蹴鞠戲球擲空中勢欲落一圖書滿牀公
左顧笑有髻而秀者端拱榻前若受書狀則公
子也餘二圖一則畫藤橋橫斷壑中非人境公
黃冠樓拂掉頭不顧一則深巖枯木有頭陀跌
坐披布衲即公也余為作六真圖歌鏡之石上
覽者可以知其志矣

明湖夜雨天涯客握手停杯話疇昔人生竟作畫圖看
拂卷生綃開數尺長身玉立於思翁美人促柱彈春風
一聲兩聲玉簫急吹落碧桃無數紅旁有一姝嬌倚扇
聽君手拂湘妃怨抱琴危坐鬢飄然知入清徽廣陵散

出門逐伴車如風築毬會飲長安中歸來閉門閒課子
石榻焚香列圖史我笑此翁何太奇彈琴蹴鞠皆能為
讀書終老豈長策乘雲果欲鞭龍螭神仙吾輩儘可學
六博吹笙遊戲作不信晚年圖作佛趺坐蒲團貪睡着
丈夫雄心竟若此世事悠悠何足齒興來展翫自掀髯
樓拂藤鞋自茲始劉君水石謝君圖解衣盤礴工揣摩
平生嗜好經想像須臾點出雙清驢置身其間真快樂
聲酒琴書資笑謔縱然仙佛兩無成如此溪山良不惡
吾聞宗少文曾寫向子平阮生長嘯逢蘇門祖孫妙筆
多天真君不見興宗年少香山老不及丹青似舊人

明湖一統志西湖築球韋端已詩永日道無睡着
 杜彥之詩醉來宗少文南史隱逸傳一氣球南陽
 微一字茂深欲游名山乃寫祖少文所尚子平圖
 于壁上測長子賓官在都知父此旨便求祿還為南
 郡丞付以家事子孫拜悲泣測長嘯不返測興宗
 善園自園阮藉遇蘇門于行鄴上坐卧對之測
 年少其子淡曰我年六十為父廓所重父兄軌謂
 謂范少伯祠原注在金陵志金明教寺在府治西
 南二里相傳范蠡故宅
 有范蠡池前即范蠡湖
 艤棹滄江學釣魚五湖何必計然書山川禹穴思文種
 烽火胥臺弔伍胥浪擲紅顏終是恨拜辭烏喙待何如
 却嗟愛子猶難免霸越平吳事總虛

鴛湖感舊

予曾過吳來之竹亭湖墅出家樂張飲後來之
 以事見法重游感賦此詩蘇州府志崇禎七年
 時來之吏部郎中蔣薰留素堂詩集吳昌時園
 曰南湖渚室亭名竹亭按來之本吳江人復社
 紀畧太倉張堯逸籍吳江昌時館之于家明史
 熊開元傳開元知吳江時所拔士周延儒傳則
 云昌時嘉興人意竹亭湖
 墅或其別業在橋李乎
 落日晴湖放楫迴故人曾此共登臺風流頓盡溪山改
 富貴何嘗簫管哀燕去妓堂荒蔓合雨侵鈴閣野棠開
 停橈却望烟深處記得當年載酒來

鴛湖曲

鴛鴦湖畔草粘天二月春深好放船柳葉亂飄千尺雨

桃花斜帶一溪煙嘉興府志死央湖在府城南即烟雨

迷離不知處舊隄却認門前樹上流鶯三兩聲十年

此地扁舟住主人愛客錦筵開水閣風吹笑語來畫鼓

隊催桃葉伎玉簫聲出柘枝臺輕靴窄袖嬌粧束脆管

繁絃競追逐雲鬟子弟按霓裳雪面參軍舞鸚鵡酒盡

移船曲榭西滿湖燈火醉人歸朝來別奏新翻曲更出

紅粧向柳隄歡樂朝兼暮七貴三公何足數十幅

蒲帆幾尺風吹君直上長安路程穆衡復社年表昌時

十二年考選授科欽改禮部主事十四年六月國觀賜

死十五年三月昌時起官禮部主事尋改文選司郎中

二十六年十月長安富貴玉驄驕侍女薰香護早朝分付南

湖舊花柳好留烟月伴歸橈那知轉眼浮生夢蕭蕭日

影悲風動中散彈琴竟未終山公啟事成何用東市朝

衣一旦休北邙坏土亦難留白楊尚作他人樹紅粉知

非舊日樓明史周延儒傳延儒信用文選郎吳昌時

廠衛把持朝官同朝咸嫉之御史蔣拱宸劾昌時賍私

鉅萬牽連延儒而中言昌時通中官李端王裕民洩漏

機密重賄入手輒預揣溫旨告人帝怒甚御中左門親

翰昌時折其脛初國觀賜死謂昌時致之其門人魏藻

德新入閣有寵恨昌時甚因與陳演共排延儒帝遣緹

烽火名園竄狐兔畫閣偷窺老兵怒寧使當時沒縣官

不堪朝市都非故我来倚棹向湖邊烟雨臺空倍惘然

宇內烟雨樓有四一在竟陵一在桂陽一在栝蒼而芳
著者首稱樵李樓在死央湖中累土成洲因洲建樓芳
草乍疑歌扇綠落英錯認舞衣鮮人生苦樂皆陳迹年
去年來堪痛惜聞笛休嗟石季倫銜杯且效陶彭澤君
不見白浪掀天一葉危收竿還怕轉船遲世人無限風
波苦輸與江湖釣叟知

附錄徐雷發鈞曰駕湖主人家居時極聲伎之樂後
以事見法故吳祭酒梅村駕湖曲云余亦賦死湖
感舊云曾說荒臺舞柘枝而今空見柳
絲：不因重唱死湖曲誰識南朝舊總持
柘枝瑣碎錄一為柘易跋為枝雪面金鈴一詩帽轉
之名易拓為柘易跋為枝雪面金鈴一詩帽轉
叅軍樂府雜錄開元中優人黃旛綽張野狐弄叅軍
始自漢館陶令石耽廖瑩中江行雜錄女優有
弄假官戲其綠衣秉
簡者謂之叅軍椿分付韓致光詩分付
春風與玉兒

題心函上人方菴

頂相安單穩圓塵覆鉢銷誰知眠丈室不肯效團焦石
鼎支茶竈匡林挂瘦瓢一枝方竹杖夜雨話參寥

安單劉克莊詩僧借
虛堂竟掛單
方竹杖鎮江府志甘露寺一僧
游及罷任以馬參寥東坡集僕在黃州夢一
一一枝留贈馬參寥作詩覺而記其兩句云寒食
清明都過了石泉槐火一時新後七年出守錢唐而
參寥子卜居西湖智果院有泉出石縫間甘冷宜
茶寒食之明日僕與客泛湖自孤山來謁參寥
汲泉鑽火烹黃蘗茶忽悟所夢詩兆于七年之前

題傲上人代笠

空山無住着就石架孤筇愛雪編茅整愁風剪箬工樹
陰休灌叟簑雨滴漁翁要自謀安隱吾師息此中

安隱阿舍經于是世尊所
患即除而得一一

項黃中家觀萬歲通天法帖
曝書亭集萬歲通天

鈎書勾法精妙鋒神畢備而用墨濃淡不露纖
痕正如一筆獨寫識者謂非薛稷鍾紹京不能
洵墨寶也相傳武后後王方慶家索其先世手
蹟得二十八人書取而玩之謂曰此卿家世守
朕奪之不仁乃命善書者填廓成卷仍命方慶
正書標二十八人官世設九賓觀于武成殿而
墨蹟卷還方慶蓋秘府儲藏故罕題識第有宋
高宗小璽其後岳珂張伯雨王鏊文徵明跋者
四人而已是卷向藏鄉先生項子長家子長諱
篤壽中嘉靖壬戌進士入詞林季弟子京以善
生產富能鑒別古人書畫所居天籟閣海內珍
異十九歸子長子德楨萬曆丙戌進士夢原萬
曆已未進士德楨子鼎鉉萬曆辛丑進士聲國
崇禎甲戌進士按黃中蓋鼎鉉字

王氏勲名自始興後人書法擅精能江東將相傳家在

翰墨風流天下稱前有瑯琊今樵李項氏由來堪並美

襄毅旆常戰伐高明史項忠傳字蓋臣嘉興人正統七

襄毅贊曰項忠韓雍皆以文學通籍而親提桴鼓樹墨

勲戎馬之場其應機決勝成畫遠謀雖宿將殆無以過

林書畫聲名起韻石齋筆談項元汴墨林生嘉隆承平

及鼎彝奇器三吳當時海內弭收藏秘閣圖書玉軸袞

珍祕歸之如流近代丹青推董巨名家毫素重鍾王鍾王妙蹟流傳舊

貞觀在御窮搜購畫隨萬乘入昭陵人間一字無遺漏

碑石猶存腕鋒出風摧雨剝苔文脫棗木鐫來波磔非

箋麻榻就戈鋌失春明夢餘錄唐太宗聞蘭亭真蹟在

四年收入秦府貞觀十年始命湯普徹馮承素諸葛貞
歐陽詢褚遂良臨之而歐褚流傳最著按昭陵後以蘭

亭殉葬迨温韜發
唐諸陵復出人間
君家此書何處傳
云是萬歲通天年

則天酷嗜二王法
詔求手蹟千金懸
從官方慶拜表進

臣祖羲獻與僧虔
生平草數十紙龍
蛇盤戲開天顏

賜官五階帛百足
仍勅能手雙鉤填
裝成用寶進御府

不知何事流人間
郗遠祖羲獻墨跡因上十一代祖導

十代祖洽九代祖珣八代祖曇首七代祖僧倬六代祖仲寶五代祖騫高祖規曾祖褒等凡二十二人書后御

武成殿詔中書舍人崔融序次之弭寶章集我思羲之負遠畧北伐貽書料

強弱惜哉徒令書畫傳誓墓功名氣蕭索江東無事富

山水興來灑筆臨池樂足知文采賴昇平父子優游擅

家學只今海內無高門稽山越水烽烟作春風掛席由

拳城夜雨君家話疇昨嗚呼吾友雅州公舒毫落紙前

人同一官烏撒沒坏土萬卷青箱付朔風曝書亭集聲

知雅州事卒于京師明史地理志雅州明直隸洪武四年以州治嚴道縣省入領縣二烏撒軍民府十五年為

府屬雲南十六年改屬四川十七年升軍民府少伯湖頭鼙鼓動尚書第內烟

塵空可憐累代圖書盡斷楮殘編墨林印此卷仍逃劫

火中老眼縱橫看筆陣韻石齋筆談墨林每得名跡以

厄復載其價于紙尾不過欲子孫長守貽謀亦既周矣

甲申歲北兵至嘉禾項氏累世之藏盡為千夫長汪六

水所掠蕩然無遺君真襄毅之子孫相逢意氣何相親即看書

畫與金石訪求不惜辭家貧嗟乎世間奇物戀故主留
取縹緗傲絕倫

按朱錫鬯萬歲通天帖歌贈王舍人作霖中有句云
百年以來藏項氏又云王郎生長山陰縣則此帖再
易主矣

由拳城一統志由拳故城在嘉興縣南劫火觀佛三昧經天地終始
災將起

送徐次桓歸胥江草堂嘉興府志秀水徐柳臣字亦于好奇負志節崇禎丙

子舉于鄉仲子賚西銘張溥奇其才以姪女妻之按次桓即賚字嘉興府志嘉興縣有胥山草堂元初項冠建按此胥江即胥山也

春來放檝駕湖游杉青牖畔登高樓
初來徐郎最年少坐中搖筆烟霞收
裝隨到我海濱去雞黍流連別何遽
云過胥江舊草堂乃父淒涼讀書處
滄山突兀枕江濱

伍相祠荒對夕曛我是故人同季子
十年相識憶徐君只今孺子飄零客
蘆中窮士無人識掛劍雖存舊業非
吹簫未遇吾徒惜歸去還登漁父船
南枝越鳥竟誰憐

投金瀨在王孫泣白馬江聲遠舍邊

杉青牖一統志一里一名一堰在秀水縣徐郎才傳周捨戲

之曰一不用心思義而但伍相祠嘉興府志伍王事食乎年十三名為太學生伍相祠在嘉興縣東胥山投金瀨上有渚曰瀨渚即子晉乞食投金處又名

白馬江聲望見有銀濤白馬依期往來

武林謁同年張石平原注河南通志辛未進士張天機

蘭陽人官叅議

湖山曉日鳴笳吹楊柳春風駐羽幢二室才名官萬石
兩河財賦導三江舊游笑我連珠勒多難逢君倒玉缸
十載弟兄無限意夜深聽雨話西窓

亂後過湖上山水盡矣感賦一絕

柳榭桃蹊事已空九西堂雜組有六橋泣柳斷槎零落

敗垣風莫嗟客鬢重游改恰有青山似鏡中

登數峯閣禮浙中死事六君子原注鴻寶倪公茗

四明施公磊軒齋吳公賓日陳公燬洪武初誠
孤山寺楊璉真伽改萬壽寺元末燬洪武初誠
意伯復建歲久圯崇禎甲申杭人即其外建數峯
閣明史倪元璐傳字玉汝上虞人戶部尚書兼
侍讀學士李自成陷京師自縊死又凌義渠傳
字駿甫烏程人為大理卿賊犯都城自繫奮身

絕吭而死又周鳳翔傳字儀伯山陰人歷中允
諭德京師陷題詩壁間自徑又施邦耀字爾韜
餘姚人左副都御史城陷命家人市信石雜燒
酒即途中服之血逆裂而卒又吳麟徵傳字聖
生海鹽人吏科都給事中城陷自徑又陳
良謨傳字士亮鄞人御史城陷自縊死

四山風急萬山秋遺廟西冷枕碧流故國衣冠懷舊友
孤忠日月表層樓赤虹劍血埋燕市白馬銀濤走越州

盛事若修陪祀典漢家園寢在昭邱

過南屏訪無生上人西湖新志南屏興教寺元末
錫菴者向為白蓮寺順治丁亥僧虛舟即
其址建菴曰留錫按此或無生即舟也

謂此一公住偶來聞午鐘山容叅雪嶠原注無生壁間
有雪嶠師畫
佛火隱雷峯路細因留竹雲深好護松精廬人不到相

對話南宗

雪嶠明詩綜圓信字雪庭更字雪嶠寧波人初南宗

舊唐書僧神秀傳神秀同學僧慧能住韶州廣

果寺天下謂神秀為北宗慧能為南宗

半間茅屋半牀書半賦閒游半索居領畧溪山應不盡

平分風月復何如黠癡互有纜忘世廉讓中間好結廬

自是圖全非易事與君隨意狎樵漁

半間傳燈錄千峯頂上一間黠癡晉書顧愷之傳初

云愷之體中廉讓南史胡諧之傳臣

題西泠閨咏并叙○西泠閨咏者杭州士女吳巖

新志吳山字巖子太平人居湖上三年武林名
流多所推重卞珏字元文巖子之女落筆疎秀
有其母風徐欽續本事詩金陵閨秀卞元文名
夢珏能詩後適廣陵劉孝廉師峻其母曰吳巖
子者縣丞卞琳配詩
文甚富兼工書法

石城卞君者系出田居隱偕蠶室巖子著同聲

之賦元文咏嬌女之篇辭旨幽閒才情明慧寫

愁思於却扇選麗句以當窻足使蘇蕙扶輪左

芬失步矣故里秦淮早駕木蘭之楫僑居明聖

重来油壁之車風景依然湖山非故趙明誠金

石之錄卷軸亡存蔡中郎薤白之詞紙筆猶在

予覽其篇什擷地彼風華體寄七言詩成四律

媿非劉柳聞白雪之歌謬學徐陵叙玉堂之咏

云爾

田居齊書下彬傳自稱下同聲賦樂府解題

作也言婦人幸充閨房願勉金石錄宋史藝文志趙明誠

供婦職以喻臣子之事君也宰相挺劉柳世說謝

子其妻易安居士李氏為作後序劉柳夫人

落日輕風雁影斜蜀牋書字報秦嘉絳紗弟子稱都講

碧玉才人本內家神女新詞填杜若如來半偈繡蓮花

粧成小閣薰香坐不向城南鬪鈿車

晴樓初日照芙蓉姑射仙人賦子虛紫府高閑詩博士

青山遺逸女尚書賣珠補屋花應滿刻燭成篇錦不如

自寫洛神題小像一簾秋水鏡湖居

五銖衣怯鳳皇雖珠玉為心冰雪膚綠屨侍兒春袂襖

紅牙小妹夜擣蒲瓊窻日暖櫻桃賦粉筆風輕蛺蝶圖

頻斂翠蛾人不識自將書劄問麻姑

石城楊柳碧城鸞謝女詩篇張女彈鸚武歌調銀管細

琅玕字刻玉釵寒雙聲宛轉連珠格八體濃纖倒薤看

閒整筆林攤素卷棠梨花發倚闌干刻承謝女詩宛轉

承歌調濃纖承字刺逐句承說

下銀管是蕭管之管玉釵謂字體同金盃寄秦嘉景陽宮畔文君井明聖湖頭道韞家

楊注當分注
各詩之後

衣

繡閣新詞名漱玉朱絲妙格似簪花
 烟波風雨錢唐路望斷西陵油壁車
 詩博士蕭代而古調清峻又嘗欲置詩品格多同女尚
 書魏畧明帝選女子知書可
 五銖衣博異志貞觀中岑文
 本于山頂避暑有叩門
 峇云此上清五銖服又問曰
 衣服皆輕細何土所出
 人表何五銖之異峇云九細者則五銖也
 東昏侯紀潘氏乘小輿紅牙鏤馬對擗蒲
 宮人皆露禪著綠絲履紅牙鏤馬對擗蒲
 附錄王昭碧虛觀下篆生書扇詩雙峯南
 北盡紅藻畫
 靜瓊閣碧虛觀下篆生書扇詩雙峯南
 北盡紅藻畫
 名篇倚密知難並諸妹天題扇詩俱次
 梅村原韻
 社丹青簾外蕩花居按胎上題扇詩俱
 次梅村原韻
 此首云下篆生未知篆生即元文別字
 否諸妹天或元文之姊妹行歛
 別字
 附錄董以寧下元文過毘陵寓吳氏水閣
 因次梅村
 韻畫堂燕子正初雖荔子紅衫映雪膚
 細語淺斟銀

注皆附各
首後

鑿落迎涼間賭玉擣蒲閨中華陣留書
 劉鏡裏眉峯
 是畫圖縱有瑩篴聽不得青溪愁絕
 蔣家姑宗元鼎
 和卞元文百柳園對雪即看小韞妹
 學畫懸思風雪
 際嬌怯應難支倚檻憐衣薄牽梅倩
 妹持茗香消旅
 况筆墨是心知無那園中絮飄如二
 月時按梅村詩
 紅牙小妹當即是此詩所云小韞妹
 也而胎上題卞
 篆生書扇亦云諸妹天人總未如或
 小韞妹即篆生歛抑篆生即元文歛
 碧城鸞李義山碧城詩女張女彈張女
 之哀彈輟
 海市四首原注次張石平觀察韻漳
 州者蓋不獨
 于登州為然近余姻張石平少叅見
 仙人太乙祀東萊不信蓬瀛此地開
 虹跨斷崖通羽蓋
 魚吞倒影出樓臺碧城烟合青葱樹
 赤岸霞蒸絳雪堆
 聞道秦王近南幸舳艫千里射蛟回

灝氣空濛萬象來非烟非霧化人裁
仙家困為休糧閉
河伯宮因娶婦開金馬衣冠蒼水使
石鯨風雨濯龍臺
鑿宮博望頻回首天漢乘槎未易才

仙家困音書劉麟之采葯衡山深入忘反見一澗水南有二石困一困開一困閉

東南天地望中收神鬼蒼茫百尺樓
秦時長松移絕島
梁園脩竹隱滄洲雲如車蓋旌旗繞峰近
香爐烟靄浮
却笑燕齊迂怪士祇知碣石有丹邱

激浪奔雲壓五湖天風吹斷海城孤
千門聽擊馮夷鼓
六博看投玉女壺蒲類草荒春後帳
滄溟月冷夜探珠
誰知曼衍魚龍戲翠蓋金支滿具區

玉女壺神異經東荒山中有大石室東皇公居焉恒與一玉女投壺張見願詩已見玉女笑投壺

復睹仙童蒲類漢書宣帝紀注煌北

贈吳錦雯兼示同社諸子杭州府志吳百朋字錦雯錢唐人崇禎壬午舉

于鄉司李蘇州中攷功法得白補肇慶會司李職裁補南和令今世說錦雯博學洽聞貫串經史嘗與徐世臣輩為恢復瑰璋之文天下誦之

吾家季重才翩身長七尺虬鬚髯投我新詩百餘軸

滿林絹素生雲烟自言里中有三陸謂鯤庭麗京梯霞

字梯父運昌與林鳴時鳴燧有名當世號龍門三陸

拂髀矜豪賢弟先兄舉致身早我亦挾策遊長安其餘

諸子俱嶽感時上策愁祁連會飲痛哭岳祠下聞者

跳刀拍張南史
王敬則傳善拍
張宗帝使跳刀
接多不中仍接
驛拍張拍張子
搏梓胡之也

大笑驚狂顛臯亭山頭金鼓震萬騎蹴踏東南天貽書

訣別士龍死嗚呼吾友非高官東林列傳陸培字鯤庭

行人需次還益縱覽古文奇書勤敏過諸生時與其兄

弟收召名士日夜為賢豪歎稱詩角藝一時號西陵體

客過武林者爭先從陸氏昆弟游既而游餘或脫身棄

東林講學大悟杭州下自經年二十九而游

妻子西興潮落無歸船棄軒主人述異記字麗京削髮

不知所在于寅求我因親老守窮巷買山未得囊無錢

父足跡幾遍海內我因親老守窮巷買山未得囊無錢

息心掩關謝時輩五年不到西溪邊比因訪客過山寺

故人文酒相盤桓手君詩篇令我讀使我磊落開心顏

豈甘不死媿良友欲使奇字留人間跳刀拍張雖將相

有書一卷吾徒傳錦雯以崇禎癸未會試下第歸母夫

見其哭母吾聞其語重歎息平生故舊空茫然不信扁

舟偶乘興丁儀吳質追隨歡謂也酒酣對客作長句十

紙謾一松風寒後來此會良不易况今海內多艱難安

得與君結廬住南山著述北山眠

臯亭山一統志東北

別丁飛濤兄弟林瑤丁葯園外傳葯園名滋仁和

嗜酒飲至一石與仲弟景鴻季弟滌皆以詩名葯

園目去紙一寸官法曹與宋荔裳等稱燕臺七

問

字素
濁

把君詩卷過扁舟置酒離亭感舊游三陸雲間空想像
二丁鄴下自風流湖山意氣歸詞苑兄弟文章入選樓
為道故人相送遠蕩花蕭瑟野塘秋

贈馮子淵總戎

馮子淵名武卿浙江人順治八年任狼山總兵

令公專閫擁旌旄雕鷲秋風賜錦袍十二銀箏歌芍藥

三千練甲醉葡萄若邪溪劍疑寒水秦望樓船壓怒濤

疑字有誤
應作凝

自是相門雙戟重野王父子行能高按明史宰輔表天

止銓一人而元颺傳故與銓通譜詛元颺慈谿人云相門雙戟子淵蓋其子姓欵

簡武康姜明府

湖州府志武康知縣姜會昌山東掖縣舉人順治二年任

地僻誰聞政如君自不同放衙山色裏聽事水聲中竹

稅官橋市茶商客渚蓬前溪歌舞在父老習遺風

放衙李義山詩高聲

聽事漢書宣帝紀一統志五日一聽事前溪一統志

武康縣治前晉沈充家于此魚鳥蘇子瞻謝表雜

花發訟庭香松風夾道涼溪喧因紙貴邑靜為蠶忙魚

鳥高人政烟霞仙吏裝知君趨台日取石壓歸航

魚鳥蘇子瞻謝表雜簿書于魚鳥

園居

傍城營小築近水插疎籬岸曲花藏釣窻高鶴聽暮移
林穿磴遠喚茗隔溪遲自領幽居趣無人到此知

此條誤書

送吳門李仲本出守寧羗

李仲本名楷兄模進士官御史仲本由長洲學士中崇禎壬午鄉試入國朝官工部虞衡司負

君到南山去興元驛路長孤城當沮口舊俗問華陽稻

近礮溪種魚從丙穴嘗殘兵白馬成廢塢赤亭羗鐵鎖

穿天上金牛立道傍隗囂宮尚在諸葛壘應荒往事英

雄恨新愁旅客裝七盤遮駱谷十口隔秦倉黑水分榆

柳青泥老鵲鷓不堪巴女曲尚賽武都王

南山一統志終南山在興元一統志漢中府唐為沮口縣一統志沮水在漢中府沔一統志鳳翔府寶雞縣東

南丙穴北蜀都賦注一在漢中沔陽縣白馬一統志

在沔縣西北即赤亭一統志山在隴西縣金牛

漢陽平關也驛程記大安驛西南至懸崖萬仞陰風

王貽上路通陽平關稍南入五丁峽口懸崖萬仞陰風

里路通陽平關稍南入五丁峽口懸崖萬仞陰風

然隗囂宮舊有隗囂避暑宮諸葛壘一統志在沔

縣西亦名七盤頭閩盤旋而上去天尺五雞駱谷一統

志屋縣西南隅秦倉翔府九十里本秦陳倉縣青

泥懸崖萬仞上多雲雨行者屢逢泥淖武都王蜀都

蜀王納為妃子
丁亥之秋王烟客招余西田賞菊踰月蒼雪師亦
至今年余既卧病同游者多以事阻追叙舊約

為之慨然因賦此詩

露白霜高九月天
匡牀卧疾憶西田
黃雞紫蟹堪酒攜
紅樹青山好放船
航稻將登農夫喜
農慶故云菜莢徧
插故人憐舊游
多病難重省
記別蒼公又二年

與友人談遺事

曾侍驪山清道塵
六師講武小平津
雲旄大毒縣
星辰動天策
中權虎豹陳
明史兵志崇禎十年八月車駕閱城
六軍望見乘輿皆呼萬歲帝大悅
召我政侍郎陸完學
入御幄獎勞酌以金卮按是年公正以編修兼東宮侍
讀在禁一自羽書飛紫塞
常教金鼓恨黃巾
孤臣流涕青門外
徒使田橫客笑人

小平津通鑑建武三年北魏孝田橫客笑人北朝齊

于琳之勸陸超之逃超之曰吾若逃已非惟孤晉安之春亦恐
友人齋說餅園張石公中

舍北溪南樹影斜
主人留客醉黃花
水波非用淘槐葉

蜜餌寧關煮蕨芽
閣老膏環嘗對酒
徵君寒具好烹茶

食經二事皆堪注
休說公羊賣餅家
今市肆中有太史餅眉公餠云仿自

王荆石陳仲醇詩謂此二事可補食經也
淘槐葉唐六典太官令掌供膳之事夏月蜜餌楚詞

以蜜和米餠餠些注杜有槐葉冷淘詩蜜餌楚詞

潛傳注鍾繇不好公羊為一好左氏謂
賣餅家志裴

左氏為太官而謂公羊為一好左氏謂

聽女道士卞玉京彈琴歌

板橋雜記卞賽字賽
稱玉京道人後游吳門

作道士裝然亦間有所主
梅村詩話玉京字雲裝

駕鸞逢天風北向驚飛鳴飛鳴入夜急側聽彈琴聲借

問彈者誰云是當年卞玉京玉京與我南中遇家近大

功坊底路南畿志大功坊東抵秦淮西通古御街中山

門內中山賜小院青樓大道邊對門却是中山住板橋

第故名大功前門對武定橋後門在鈔庫街長板橋

在院牆外數十步驚峯寺西夾之中山東花園亘其前

秦淮朱崔衍遠其後中山有女嬌無雙清眸皓齒垂明璫曾因內

宴直歌舞坐中瞥見塗雅黃問年十六尚未嫁知音識

曲彈清商歸來女伴洗紅粧枉將絕技矜平康如此纔

足當侯王萬事倉皇在南渡大家幾日能枝梧詔書忽

下選蛾眉細馬輕車不知數時金陵惟以選妃為急選

杭州選得陳氏王氏李氏三人因命入元暉殿中中山好女光徘徊一時粉黛

無人顧艷色知為天下傳高門愁被旁人妒盡道當前

黃屋尊誰知轉盼紅顏誤南內方看起桂宮北兵早報

臨爪步聞道君王走玉驄犢車不用聘昭容幸遲身入

陳宮裏却早名填代籍中金陵選后徐氏中山王女也

崧走黃得功營得功戰死檻車北于豫王遂同歐去當時

復大宗伯原官手進選后徐氏于謙益而公詩依稀記

于卞所述不勝流連嗟嘆者亦深致不滿之意依稀記

得祁與阮同時亦中三公選未詳可憐俱未識君王軍

容

府抄名被驅遣漫咏臨春瓊樹篇玉顏零落委花鈿當時錯怨韓擒席張孔承恩已十年但教一日見天子玉兜甘為東昏死羊車望幸阿誰知青塚淒涼竟如此我向花間拂素琴一彈三嘆為傷心暗將別鵠離鸞引寫入悲風怨雨吟昨夜城頭吹箏篋教坊也被傳呼急之恒曲中人雖三教坊司御樂也國制宮綵奉直未聞選名斜歸亦惟王公邸第呼之碧玉班中怕點留樂營門外盧家泣私更裝束出江邊恰遇丹陽下渚船剪就黃絕貪入道攜來綠綺訴嬋娟此地由來盛歌舞子弟三班十番鼓雜記仲文中狎客有咸月明絃索更無聲山塘寂寞遭兵苦橋

雜記玉京居常邱相簾斐凡地無纖塵見十年同伴兩客初不甚酬對若遇嘉賓則諧謔間作三人沙董朱顏盡黃土骨體皆媚天生尤物也攜其妹曰嫩者遊吳郡卜居半塘又董年与小宛姊妹行名亦相頡張紫足有美人在南國余見西雙成句貴戚深閨陌上塵吾輩漂零何足數坐客聞言起嘆嗟江山

蕭瑟隱悲笳莫將蔡女邊頭曲落盡吳王苑裏花

平康開元遺事長安有平地桂官南都烟花記陳後主昭于光犢車得乘一儀志九嬪以下並玉兒陸魯望東昏侯潘淑妃教坊左記西京右坊多在光宅坊小字玉兒蓋相因習東京西也俱樂營門羅虬詩樂多工舞蓋相因習東京西也俱樂營門羅虬詩樂在明義坊而右在南左在北也俱樂營門羅虬詩樂如陰中有佳黃絕刀尺務觀詩良工外柳人畫閣深

琴河感舊

并序。詳後過錦樹林詩叙此。即所謂賦四言詩以告絕者也。

楓林霜信放棹琴河忽聞秦淮下生賽。到自

白下適逢紅葉余因客座偶話舊游主人命犢

車以迎來持羽觴而待至傳驂初報傳語更衣

已托病疴遷延不出知其憔悴自傷亦將委身

於人矣予本恨人傷心往事江頭燕子舊壘都

非山上蘼蕪故人安在久絕鉛華之夢况當搖

落之辰相遇則惟看楊柳我亦何堪為別已屢

見櫻桃君還未嫁聽琵琶而不響隔團扇以猶

憐能無杜秋之感江州之泣也漫賦四章以誌

其事

琴河

一統志琴川在昭文縣治櫻桃李太白詩前橫港凡七若琴絃然

未還家玉憲杜秋杜牧杜秋娘詩序有花堪折

五見櫻桃花杜秋君須折莫待花落空折枝李

錡妾杜秋嘗唱此詞

白門楊柳好葺雅誰道扁舟蕩槳斜金屋雲深吾谷樹

玉杯春暖尚湖花見來學避低團扇近處疑嗔響鈿車

却悔石城吹笛夜青驄容易別盧家

玉杯謝元暉詩渠枕送尚湖一統志一在常熟縣西南四里

油壁迎來是舊游尊前不出背花愁綠知薄倖逢應恨
恰便多情喚却羞故向閒人偷玉筋浪傳好語到銀鈎

五陵年少催歸去，隔斷紅牆十二樓。詩寓告絕之意，故皆于結語示意。

章深刺

銀鈎薛元卿詩布字改銀鈎

休將消息恨層城，猶有羅敷未嫁情。車過卷簾勞悵望，

夢來攜袖費逢迎。青山憔悴卿憐我，紅粉飄零我憶卿。

記得橫塘秋夜好，玉釵恩重是前生。

層城李後主詩無復見嬌姿 | 車過卷簾用本事詩韓翃 青山

憔悴王介甫詩青衫憔悴北歸來青山似應作青衫

長向東風問畫蘭，玉人微嘆倚闌干。乍拋錦瑟描難就，

小疊瓊牋墨未乾。弱葉嬾舒添午倦，嫩芽嬌染怯春寒。

書成粉筆憑誰寄，多恐蕭郎不忍看。玉京工畫蘭末章獨借以托興

觀棋原注和錢宗伯

深院無人看劇棋，三郎勝負玉環知。康猶亂局君王笑，

一道哥舒布算遲。

劇棋南史羊定子傳既佳光景當得劇甚

小閣疎簾枕簟秋，晝長無事為忘憂。西園近進脩宮價，

博進知難賭廣州。

忘憂晉書祖納傳納好奕棋曰我亦忘憂耳 | 脩宮價後漢書劉陶傳陶為京兆尹到職當

出脩宮直錢千萬，陶既清貧稱疾不聽。賭廣州宋明政帝宿重陶才原其罪微拜諫議大夫

閒向松窓覆舊圖，當年國手未全無。南風不競君知否，

扶眼昏門看入吳

松憲鄭守愚詩一覆舊圖張高送棋待詔歸新

碧殿春深賭翠鈿壽王游戲玉林前可憐一子難饒借

殺却拋殘到那邊

一子山堂肆考太宗時有賈元侍上棋太宗饒元三

輸當榜汝既而滿局不生不死太宗曰更圍一局勝

賜汝饒汝不勝當投于泥中既而局平不勝不負太宗

元黃得失有誰憑上品還推國手能公道世人高下在

圍棋中正柳吳興

中正南史王湛傳明帝好圍棋置圍棋州邑以建安

王抗四人柳吳興好奕棋使憚品定棋譜登諸格者

二百七十八人第其

莫將絕藝向人誇新勢斜飛一角差局罷兒童閒數子

不知勝負落誰家

絕藝杜牧之送國棋王逢新勢詩闕下傳

後東臯草堂歌詩話瞿稼軒借錢宗伯逮就獄余

稼軒于請室也後數年余再至東臯則稼軒唱

義粵西其子伯升門戶是懼故山別墅皆荒蕪

斥賣無復向者之觀余為作後東臯草堂歌按

君家東臯枕山麓百頃流泉浸花竹常熟縣北郭外瞿

少叅汝說所構子式耜增拓之築浣溪草
堂貫清堂鏡中來諸勝為邑中園亭之窟石田書畫數
百卷酷嗜平生手藏錄府志式耜酷愛沈石田畫一鱸
藏弄其中隱囊塵尾寄蕭齋鴻鵠高飛鷹隼猜白社青山舊
居在黃門北寺捕車來有詔憐君放君去重到故鄉棲
隱處短榮仍看屋後山扁舟却繫門前樹此時鈞黨雖
縱橫終是君王折檻臣放逐繼緣當事意江湖還賴主
人恩明史溫體仁傳張漢儒許錢謙益瞿式耜居鄉不
益等危甚求解于司禮太監曹化淳漢儒偵知之告體
仁乃盡得漢儒等奸狀及體仁密謀獄上帝始悟體仁
有黨會撫寧侯朱國弼再劾體仁帝命立枷死漢儒等
錢瞿之獄乃解按逮問一朝龍去辭鄉國萬里烽烟歸
按逮問在丙子獄解在丁丑

未得一統志式耜以右僉都御史巡撫廣西後留桂林如大學士封臨桂伯可憐雙戟中丞家

門帖淒涼題賣宅有子單居持戶難稼軒子嵩錫崇禎壬午舉人呼

門吏怒索家錢窮搜瘵篋應無計棄擲城南尺五山任

移花藥隣家植未剪松杉僧舍得漁舟網集習家池官

道人牽到公石石礎雖留不記亭榭籬還在半無門歌

橋已斷眠僵柳醉壁誰扶倚瘦藤尚有荒祠叢廢棘豐

碑草沒猶堪識堦前田父早歌呼陌上行人增歎息我

初扶杖過君家開尊九月逢黃花秋日溪山好圖畫據

齋塵談石田秋日溪山圖長卷余見王石田真蹟深咨

嗟傳聞此圖再易主同時賓客知存幾又見溪山改舊

觀雕欄碧檻今已矣搖落深知宋玉愁衡陽雁斷楚天
秋斜暉有恨家何在極浦無言水自流按庚寅九月全
式耜就執十一月殺之風洞山下詩話有舊給事中已
出家歸性因者收其骨義士楊碩父歲其稿稼軒孫昌
文間關歸以其臨難時與督臣張同我來草堂何處宿
敬唱和詩并表刻之吳中為浩氣吟

挑燈夜把長歌續十年舊事總成悲再賦閒愁不堪讀
魏寢梁園事已空杜鵑寂寞怨西風平泉獨樂荒榛裏
寒雨孤村聽暝鐘

賣宅南史庾杲之傳百姓那家錢後漢譙元傳子映
贖父到公石南史到溉傳溉齋前有奇僵石帝戲
屍都下縱觀也謂一縱觀也
破山興福寺僧鶴如五十吳郡志破山在虞山北
福寺在破山北嶺下齊始興五年邑人郴州牧
倪德光捨宅建始名大慈梁大同三年改興福
唐咸通九年賜額

聽法穿雲過傳經泛海來花深山徑遠石破講堂開潭
出高人影泉流古佛苔長留千歲鶴聲繞讀書臺

讀書臺一統志一在常熟西相
傳梁昭明太子常讀書于此
宴孫孝若山樓賦贈孝若名魯常熟人順治庚辰
辛未同年泉州知府父朝肅字恭甫萬曆丙辰
進士由刑部主事出知兗州府平白蓮賊歷陞
廣東布政使

千章喬木俯晴川高閣登臨雨後天明月笙歌紅燭院

春山書畫綠楊船，邴超好客真名士。蘇晉翻經正少年，
魯知大同府，請終養歸自。最是風流揮玉麈，烟霞勝處
少留意。梵夾晚益耽嗜，自。着神仙軼集，孝若風流，蘊藉機神，警速其天才之所。

毛子晉齋中讀吳匏菴手抄謝翱羽西臺慟哭記

毛子晉初名鳳苞，後改名晉，家常熟。七星橋下，自稱南湖主人。博雅好古，藏書極富。汲古閣，板精工，馳天下。吳匏菴名寬，字原博，長洲人。舉鄉試第三，入會試。廷試皆第一，授修撰。仕至禮部尚書，掌詹事。太子太保。卒年七十有九。謚文定。

扁舟訪奇書，夜月南湖宿。主人開東軒，磊落三萬軸。別

度加收藏，前賢矜手錄。北堂學士鈔，南宋遺民牘。言過

富春渚，登望文山哭。謝翱字皋羽，福之長溪人。彼浦城方鳳謝皋羽行狀。皋羽慕屈原懷

郢都讀離騷二十五託典子陵留高臺，西面滄江綠。婦

遠游以晞髮，自名其集。翁為神仙，謂嚴光婦翁梅福也。按章居安梅磧詩，詔永
實齋詩，梅公仙去嚴題釣臺。梅福神仙人者，新知是婦翁王
輕一尉羊裘，何必羨三公。子陵為梅公婿，傳記所不載。
二詩必天子共游學，携家就赤城。高舉凌黃鶴，尚笑君
有所本。

房癡寧甘子雲辱，七里溪光清千仞。松風謾西臺，以上叙廬

陵赴急難，幕府從羈僕。運去須武侯，君存即文叔。臣心

誓弗諼，漢祚憂難復。次入臯羽西臺慟哭記。公開府南

涓宋濂謝翱傳。會丞相文天祥開昆陽大風雨，虓豹如

蝟縮，詭譎滹沱冰。倉卒蕪亭粥，所以恢黃圖。無乃資赤

伏，即今錢唐潮。莫救厓山麓，空坑戰士盡柴市。孤臣戮

一死之靡他百身其奚贖
稽處士星求死得亦足安能期故人共卧容加腹巢許
而蕭曹遭遇同高蜀文山竟以殉趙社終為屋海上悲
田橫國中痛王蠋門人萬里歌故吏平陵曲彼存君臣
義此製朋友服相國誠知人舉事何顛蹙丈夫失時命
無以辭碌見公而痛哭西臺勤哭記余恨死無以藉手
之處及其時適相類則徘徊願悲不飲泣又後三年
望夫差之臺始哭公馬又復五年及今而哭之于陵
之臺又曰謁子陵祠西臺設主于荒野再拜涕慟念余
且老復東望泣拜不已乃以竹如意擊石作楚歌招之
曰竟朝歸兮何極暮來歸兮關水黑化看君書一編俾
為朱鳥子有味焉食歌闕竹石俱碎
我愁千斛禹績荒烟霞越臺走麋鹿不圖疊山傳再向

嚴灘續配食從方干豐碑繼梅福
錄至元乙未卒其友方鳳吳思齋方切學葵之子陵臺
南為作許劍亭于墓右范文正公集方干舊隱詩風雅
先生舊隱存子陵臺下白雲村注桐廬縣主人更命酒
西有白雲村唐方干故居子孫至宋猶盛
哀吟同擊筑四坐皆涕零霜風激羣木嗟乎誠義士已

矣不忍讀

北堂中興書目虞世南集羣書中文山宋資治通鑑
文筆峯自子陵臺一統志漢嚴子陵釣處有東西二
號文山高士傳司徒侯霸使西會屬侯子道奉書况
君房癡不起問子道曰君房素癡今為三公寧小差
不厓山宋史本紀二王者度宗庶子也德祐二年陳
元十五年又立昺為主徙居厓山十六年空坑文天
張宏範兵至厓山陸秀夫負昺投海中

祥傳江西宣慰使李恒攻天祥于興國天祥不意恒兵猝至乃引兵即郟瀕于永豐瀕兵先潰恒窮追至空坑軍柴市網目續編至元十九年十二月殺宋少士皆潰柴市保樞密使信國公文天祥于都城之柴市汲古閣歌陳瑚確菴文稿雲山之陽星橋之偏望也

也處

嘉隆以後藏書家天下昆陵與瑯琊德順之瑯琊王元美世貞也焦弱侯文集荆川先生于載籍無不窺其編纂成書以數十計有曰左編右編武編稗編者而左編最為經世之書陳德儒史料序弁州先生束髮入朝行上自列聖之彙言累朝之副草旁及六曹九鎮歲省之便利要害大家委巷之舊聞文整齊舊聞收放失後來學掌故之私記皆蒐羅剽記好事知誰及比聞充棟虞山翁謂絳里中又得小毛公搜求遺佚懸金購繕寫精能鏤板工繇來斯事推趙宋

帖

歐虞褚法看飛動集賢院印校讐精太清樓本裝潢重

屠隆考槃餘事太清樓帖者大觀年中徽宗以淳化帖考選數帖重刻于太清樓下模自蔡京筆偏于縱橫賴刺手精工猶勝他帖高士奇歸田集帖中如躋晉宣帝于武帝之前叙子玉于伯英之上正茂先非台鼎之尊又如汝殊愁帖處字不耳字不減之類俱足正王著之失後帖石論沒于金

手跋為披圖周密志雅堂雜鈔高宗御書損齋二大字并損齋記後有左僕射沈該以下聯名

蘇氏題觀在直廬蘇子瞻餘事帖今存者碑館閣百家分四

庫中箱一幅畫三都高似孫緯畧祖宗時內則太清樓則三館祕閣凡四處藏書元豐本朝儒臣典制作累代

中三館併歸省中字書亦隨德本朝儒臣典制作累代

縹緗輸祕閣明史藝文志祕閣貯書徐廣雖編石室書

孝徵好竊華林畧王肯堂鬱岡齋筆塵文淵閣藏書皆宋元秘閣所遺雖不甚精然無不宗

元板者因典籍多費生既不知愛書閣老亦漫不兩京
檢省往、為人竊去今所存者僅千百之一矣
太學藏經史奉詔重修賜金紫高齋學士費殮錢故事
還如寫黃紙顧炎武曰知錄嘉靖初南京國子監祭酒
三經二十一史校勘不精舛訛甚且有不知而妄改
者又曰永樂中命儒臣纂修四書大全取倪氏四書
輯說春秋大字為汪氏曰詩經大全元劉瑾其
中愚按二字為汪氏曰詩經大全元劉瑾其
傳不通釋而改其中愚按二字為安成劉氏曰其
人成不見舊書亦未必不可因前人也當日頒餐錢給
書成之日賜金一過上欺朝廷下誑士子凡幾而僅取已
乎釋典流傳自洛陽中官經廠護焚香諸州各請名山
藏總目難窺內道場燕都游覽志皇城內西隅有大藏
造製勅南湖主人為歎息十年心力恣收拾史家編輯
龍箋處

五

過神堯律論流通到羅什子晉刻之為律選秘書又紫柏
大師刻大藏方冊于吳中當時海內多風塵石經馬矢
卷帙未半子晉為續之高邛陵已壞書囊縛作袴復驚木冊推為薪君家高閣
偏無恙主人留宿傾家釀醉來燒燭夜攤書雙眼摩挲
覺神玉古人關書借三館羨君自致五十卷又云獻書
輒拜官羨君帶索躬耕田伏生藏壁遭書禁中郎秘惜
矜談進君獲奇書好示人雞林巨賈爭摹印讀書到死
苦不足小學雕蟲置廢簾君今萬卷盡刊訛邢家小兒
徒碌、客來詩酒話生平家近湖山擁百城不數當年
清秘閣亂離踪跡似雲林明史隱逸傳倪瓚字元鎮無錫人所居有清秘閣自號雲

林居士兵興富家志
被禍瑣獨不罹害

徐廣孝武以廣博學字野民東筦姑幕人也晉華林略

北齊書祖珽傳字孝徵范陽人狄道人一也文襄州客至

請賣華林編畧文襄多集書人一日一夜寫畢珽以

編畧數帙質錢擣蒲寫黃帝四品吏訪問令寫黃帝

文襄杖之四十非五千卷北史崔儵傳不瀆五千

為一人寫黃帝者也六年朝廷開局修宋遼金帶索子列

拜官輟耕錄至正六年朝廷開局修宋遼金帶索子列

榮啓期鹿表一募印漢書藝文志通知古今邢家小

兒北齊書邢邵傳袁翻以邵蒞思華瞻深嫉之每告

贈李峩居御史原注替學江南永城人順治丙戌進

士順治七年督學江南八年

中條山色絳帷開宛洛春風桃李栽地近石經緣席觀

家傳漆簡本蘭臺花飛驛路生徒滿潮落江城鐘磬來

置酒一颿黃浦月登臨早訪陸機才

閬州行原注贈楊學博爾緒州乘備採楊繼生

中崇禎辛未進士官福建故得免于蜀亂繼生

由舉人順治二年來任吾州學正後陞知福建

連江縣初涖任海賊犯連江繼生拒守甚力城

陷不屈死妻劉氏同殉節願寅生士午雜抄

楊先生秉鐸吾妻盛泰昭釋女在蜀遭亂已無可奈何

矣會吾妻盛泰昭釋女在蜀遭亂已無可奈何

襟喉楊以杯酒屬之曰倘至彼中得吾家消息

片鴻寸鯉勿新也盛赴任一載後偶以事出見

一婦人負血書匍匐道左物色之即楊內閫也

南偶詢之則楊夫人舟自陝來也相別十餘年
流落萬死天作之合異哉方出門時女猶襁褓
來今已覓婿同
來如一家

四坐且勿喧聽吾歌閬州閬州天下勝十二錦屏樓歌

舞巴渝盛江山士女游一統志閬中山在閬中縣南一

城內中有五城唐宋德之為守又建碧玉樓于西城之西南隅亦名十二樓

中舊鄉縣送客蒼溪船讀書玉臺觀忽乘相如車謂受

文翁薦游宦非不歸十載成都亂只君為愛子相思不

相見相見隔長安干戈徒步難金牛盤七坂鐵馬斷千

山敢辭道路艱早向妻兒訣一身上鳥道全家傍虎穴

君自為尊章豈得顧妻子分攜各努力妾當為君死淒

淒復切切苦語不能答好寄武昌書莫買秦淮妾巴水

急若箭已船去如葉兩岸蒼崖高孤帆望中沒二月到

漢口三月到揚州揚州花月地烽火似邊頭驛路逢老

親遷官向閩越謂逼公車期早看長安月再拜不忍去

趣使嚴裝發河山一朝異復作他鄉別叙爾緒至揚州

仍命爾緒入都會別後竟何如飄零少定居愁中鄉信

斷不敢望來書盡道是葭萌殺人滿川陸積屍峨眉平

千村惟鬼哭客有自秦關傳言自悲喜來時聞君婦貞

心視江水江水流不極猿聲哀豈聞將書封斷指血淚

染羅裙叙國亡後蜀亂阻五內為崩摧買舟急迎取相

逢惟一慟不料我見汝拭眼問舅姑雲山復何處淚盡
日南天死生不相遇汝有親弟兄提攜思共濟姊妹四
五人扶持結衣袂懷裏孤雖癡啼呼不知避失散倉皇
間骨肉都拋棄叙尔緒父沒官南中迫取家累而親屬復失散也悠々彼蒼天於
人亦何酷城中十萬戶白骨滿崖谷官軍收成都千里
見榛莽設官伊猿獠半以飼豺需王貽上蜀道驛程記自寧美至廣元益昌荒殘凋瘵之狀不忍睹聞近有旨招集流移寬其征賦募民入蜀皆得拜官綏寇紀畧蜀亂久野狗悉入林中鋸手如帶豹夜則發屋食人有尚道是閬州此地差安一縣招聚流民一夜為狗食盡
堵民少官則多莫恤蜀人苦淒涼漢祖廟寂寞滕王臺
子規叫夜月城郭生蒿菜只有嘉陵江江聲自浩浩我

欲竟此曲流涕不復道

蒼溪一統志一縣在保寧府西北玉臺一統志一觀在閬中縣

民少官多隋書楊尚希傳所謂滕王臺一統志一亭在閬中北

玉臺山上嘉陵江一統志一城東南亦元嬰建

送王子彥原注子彥以孝廉不仕後因避吏將入都

失意獨馬往自憐歸計非無家忘別苦多難愛書稀白
首投知己青山負布衣秋風秣陵道惆悵素心違

遇舊友

已過纔追問相看是故人亂離何處見消息苦難真拭
眼驚魂定銜杯笑語頻移家就吾住白首兩遺民

穆大苑先卧病桐廬初歸喜贈穆苑先見後時張王治以丁亥進士
知桐廬縣苑先在其署中

富春山下趁歸風客病孤舟夜雨中千里故園惟舊友
十年同學半衰翁藥鑪媿我形容槁腹尺輪君飲噉工
却向清秋共消損一尊無恙笑顏紅

偶值

偶值翻成訝如君不易尋出門因酒癖謝客為書淫久
坐傾愁抱高談遇賞心明朝風日暇餘興約登臨

海溢州乘備採順治七年庚寅八月初再溢

積氣知難極驚濤天地奔龍魚居廢縣人鬼語荒村異

國帆檣落新沙島嶼存橫流如可救滄海嘆東門

座主李太虛師從燕都間道北歸尋以南昌兵變

避亂廣陵賦呈八首江西通志李明睿天啓二年壬戌進士南昌人南昌

郡乘明睿字太虛右庶子掌右春坊國朝禮部侍郎按太虛于順治十五年為禮部左侍郎其官禮部尚書事兼內翰林院學士此詩在

風雪間關路江山故國天還家蘇武節浮海管寧船西

三月琉球國遣使入貢請嚴封原任中允李明睿泛海同之南歸宏光以忠節深嘉之妻子驚還

在交朋淚泣然兩京消息斷離別早經年

白鹿巖書洞青牛採藥翁買山從五老避世棄三公舊

德高詞苑長編續史通十年金馬夢回首暮雲中文集先生

性強直為臺諫所中隱居白鹿講授生徒天子再召用
決大計爭南遷深當上旨不果又先生擔撫累朝故實
抄撮成書凡百卷欲
以成一代之良史

愛酒陶元亮能詩宗少文桃花忘世事明月望湘君山
靜聞鼙鼓江空見陣雲不知時漢晉誰起灌將軍

浩劫知難問秋風天地哀神宮一柱火仙竈五丁雷劍
去龍沙改鐘鳴鼉鼓來可憐新戰骨落日獨登臺

一柱杜詩孤城一柱觀王洙注江陵觀劍去一統志劍

縣西南相傳雷煥得龍泉太

彭蠡初無雁潯陽近有書干戈愁未定骨囚苦離居江
渚宵傳柝山城里出車終難致李白卧病在匡廬

世路長為客家園况苦兵酒偏今夜醒原注新笛豈去

年聲一病餘孤枕千山送獨行馬當風正緊捩柁下湓
城

馬當一統志馬當山在湓城一統志隋大業初

莫問投何處輕帆且別家漫栽彭澤柳好種廣陵瓜飲
興愁來減詩懷老自誇南徐山色近題語報侯芭

廣陵瓜三國志步騭傳避難江廣與廣

海內論知己天涯復幾人關山思會面戎馬涕沾巾賓

客侯羸老諸生原憲貧文集其之維揚與偉業相遇于

髮如鬢握手道故漏下數十刺猶危坐引滿議論衰
不倦偉業顛毛斑白自數其齒少于師二十歲而憂患

于早衰以及相看同失路握手話艱辛

無題公曾孫翊字砥亭曰王先輩玉書麟來志云

不安其室意屬先生扁舟過妻投詩相訪先生

於稼軒乃執友而受之禮尚又錢宗也以義自

持因設飲河干賦無題四章以謝之氏後歸石

學使仲生申錢生猶在也梁溪顧舍人梁汾貞

觀石所取士實為之作合云里中張菴園琰嘗

話其事萬園字佩將亦石所取士又年家子也

繫艇垂楊映綠潯玉人湘管畫簾深千絲碧藕玲瓏腕

一卷芭蕉展轉心題罷紅窓歌緩聽來青鳥信沉沉

天邊却有黃姑恨吹入蕭郎此夜吟

碧藕玲瓏范致能詩甘瓜紅牕詞名有

到處鶯花畫舫輕相逢只作看山行鏡因硯近螺頻換

書為香多蠹不成媿我白頭無冶習讓君紅粉有詩名

飛瓊漫道人間識一夜天風返碧城

飛瓊本事詩許澶嘗夢登山人曰此崑崙也既入見

許飛瓊塵心未斷俗緣在十里下山空月明他日復

夢至其處飛瓊子何故顯余姓名于人間即改為天

錯認微之與牧之誤他舉舉與師師疎狂詩酒隨同伴

細膩風光異昔時畫裏綠楊堪贈別曲中紅豆是相思

年華老大心情減辜負蕭娘數首詩

舉師北里志鄭舉者居曲中善令章張邦

效名著一時貴耳錄道君細膩風光元微之寄薛濤

昔時原本
作舊時

鈿雀金蟬籠臂紗鬧粧初不鬪鉛華歲鉤酒白劉郎賭
刻燭詩從謝女誇天上異香須有種春來飛絮恨無家
東風燕子知多少珍重雕闌白玉花

籠臂紗晉書胡貴嬪傳帝多簡良家子女以鬧粧三

記唐末宮中髻歲鉤採蘭雜記古人以二十九日為

每月下九置酒為婦女之白初九為中九十九為下九

歡以是夜為歲鉤諸戲 壽陸孟鳧七十

昭文縣志陸銑字孟鳧少文譽

府推官考最陞利州知州致仕晚年 楓葉蘆花霜滿林江湖蕭瑟鬢毛侵書生籐峽功名薄

讀書樂道鄉里推為長者兼精醫術 漁父桃源歲月深原注陸為涪州司李藤峽入市蹇驢

晨賣藥閉門殘酒夜橫琴舊游烽火天涯夢銅鼓山高

急暮砧

銅鼓山方輿勝覽在武仙縣故城

講授山前繞戶庭芋翁無事為中冷偶支鶴俸分魚俸

閒點茶經補水經千里程鄉浮大白一官勺漏養空青

歸來松菊荒涼甚買得雙峯縛草亭

壽申少司馬青門六十青門名紹芳萬曆丙辰進

西叅政封通奉公用嘉即文定公次子梅村文

集申大司馬及其弟大叅之尊人曰文定少師

大叅九子長官比部仲子少司農青門累闕積

資位崇岳牧青門季弟曰進士維久嘗後

相門三戟勝通侯兄弟衣冠盡貴游白下高名推謝眺
黃初耆德重楊彪千山極目風塵暗一老狂歌天地秋
還憶淮淝開制府江聲吹角古揚州文集青門早達游
歷名藩開府揚州

垂紳揭節兄弟
中至光顯矣

脫却朝衫上釣船餘生投老白雲邊買山白乞分司俸

餉客還存博士錢世事烟霞娛晚景黨人名字付殘編

扁舟百斛烏程酒散髮江湖任醉眠明史許譽卿直諷
體仁忘其伉直諷

吏部尚書謝陞劾其與福建布政申紹芳營求美官體
仁擬斥譽卿為民紹芳提問遣成堯峯文鈔吏尚謝陞

納譽卿及紹芳坐以憑藉輿援爭官講缺疏不隸體仁
誣譽卿及紹芳坐以憑藉輿援爭官講缺疏不隸體仁

體仁擢取之擬旨削譽卿籍文遂露章攻文公文公罷
榮事也彼方德公玉成耳體仁遂露章攻文公文公罷

而譽卿竟削籍
紹芳提問矣

歲暮送穆大苑先往桐廬婁東耆舊傳穆雲桂字
苑先大父弼雲谷善醫

好修煉吐納術年八十餘里中稱長者子三人
仲弼山谷生苑先山谷與兄子少谷傳其祖父

業而苑先習制藝為諸生即有名從張西銘游
奸人指西銘門下高材者為十哲苑先預焉

客中貧過歲又上富春船燭影歌寒枕江聲聽夜眠石

高孤岸迴雪重半帆偏明日停橈處山城落木天

卧病纔回棹征軺此再游亂山穿鳥道匹馬向嚴州遠

水浮沙嶼高楓入郡樓知君風雨夜落葉起鄉愁

到日興逢節招尋有故人謂教菴婁東耆舊傳張王治
字無近弼教庵西銘弟順治

丁亥進士由知桐廬縣
行取歷陞工科給事官厨消絳蠟客舍暖烏薪鎖印

槐廳靜頌春柏酒新翩、杜書記瀟灑得閒身

官厨

隋書酷吏傳庫狄士文為貝烏薪范致能詩誰

州刺史其子某陵一餅以歲終為斷天下諸

知爾貪乘興衝寒蠟屐忙鶴翻松磴雪猿守栗林霜官

醞移山榼仙棋響石房嚴光如可作故態客星狂

十月十有九日錄于龍溪學使行館

吳梅村先生詩集卷第四

鶴市近亭程穆衡原箋

古近體詩一百九首起辛卯正月盡壬辰秋

辛卯元旦試筆

原注除夕再夢杏花。按辛卯順治八年公尚未出山也

十年車馬盛長安仙仗傳籌曙色寒禁苑名花開萬樹
上林竒果賜千官春風紫燕低飛入曉日青驄緩轡看
舊事已非還入夢畫圖金粉碧闌干

行路難

十八首雖祖述鮑明遠亦胚胎范文穆指事切遺音遠眷懷興廢傷也如何

奉君乘鸞明月之美扇邪谿赤堇之寶刀莞弱桃李之

綺席陽阿激楚之洞簫丈夫得意早行樂歌舞任俠稱
人豪舉杯一歌行路難酒闌鐘歇風蕭

赤堇越絕書薛燭曰當造此劍之時赤堇之山破而出錫若耶之溪涸而出銅

長安巧工製名燈七龍五鳳光層層蘇天爵元文類郭

七寶燈漏今大明殿每朝會張中有青熒之朱火下有

設之其中鐘鼓皆應時自鳴

暎徹之澄泉游魚揚鬢肆澆灑飛鳥奮翼思騫騰孫國教

覽志燈市有水燈細黑風吹來徧槐市狂花振落燒觚

稜金吾之威不能禁鐵柱倒塌銅盤傾使人榮馬不能
去青燐鬼哭惟空城

巧工西京雜記長安巧工丁緩者為常滿
燈七龍五鳳雜以芙蓉蓮蕩之奇

君不見無須將問叫呼天賜錢請葬驪山邊父為萬乘

子黔首不得耕種咸陽田君不見金墉城頭高百尺河

間成都弄刀筆戟草木萌芽殺長沙狂風烈烈吹枯骨

人生骨肉那可保富貴榮華幾時好龍子作事非尋常

奪棗爭梨天下擾金休玉几不得眠一朝零落同秋草

無須將問後漢書廣陵思王荆傳無為扶蘇將問叫

殺之將問仰而呼天拔劍自殺宗室震恐公子高欲

殺長沙晉書長沙王傳初又執權之始

愁思忽不樂乃上咸陽橋盤螭蹲獸勢相鬪唅呀口鼻

吞奔濤當時平明出萬騎馬蹄蹀躞何逍遙長安冠蓋

一朝改紫裘意氣非吾曹柴車辟易伏道畔舍人辭去
妻孥嘲人生太行起面前何必褒斜棧閣崎嶇高
君不見南山松柏何葱菁於世無害人無爭斧聲丁丁
滿崖谷不知其下何王陵玉箱夜出寶衣盡冬青葉落
吹魚燈石馬無聲缺左耳豐碑倒折纏枯藤當時公卿
再拜下車過今朝蔓草居人耕

漢家身毒鏡大如八銖錢蒲桃錦囊雖黯淡盤龍宛轉
絲結連云是宣皇母后物摩挲愛惜宮中傳土花埋沒
今千年對此撫几長嘆息金張許史皆徒然

身毒鏡

西京雜記宣帝被收繫臂上帶史良娣合采
婉轉絲繩繫身毒國寶鏡一枚大如八銖錢

君不見見黃河之水天上來一朝乃沒梁王臺梁王臺成
高崔嵬禁門平日車如雷千尺金堤壞百里嚴城開君
臣將相竟安在化為白龜與黃能乃知水可亡人國昆
明劫灰何如哉此悲汴梁之陷也

男兒讀書良不惡屈首殘編務穿鑿窮年斫竟無成
徒使聲華改蕭索君不見王令文章今大進邱公官退
才亦盡寐齋居自著書太元奇字無人問

王令文章

南齊書邱靈鞠傳在沈淵座見王儉詩淵

靈鞠宋世文名甚盛入齊頗減王儉曰邛公仕宦不進寸亦退矣

伏軾說人主談笑稱上客一見賜黃金再見賜白璧夜

半宮中獨見召母弟通侯皆避席上殿批逆鱗下殿犯
貴戚犀首進讒譖韓非受指摘夜走函谷關逡巡不能
出君不見范睢折脇懲前事身退功成歸蔡澤

君不見鄭莊洗沐從知交傾蓋置驛長安郊又不見任
君諛辭接後進冠蓋從游數百乘人生盛名致賓客失

勢人情諒非昔年少停車莫掃門故人行酒誰離席西

大樽輩以社局續東林緒脉生徒負笈揮洗輟餐倒履
莫及亡何黨論紛紜遭逢喪亂門戶衰落甚至叛奴賣
交取子毀室良足悼焉故雜舉當時彥
升及灌夫事指所親歷非徒慨陳編也

直諫好言事召見拜司隸彈劾中黃門鯁切無所避天

子初見容縛下都船獄髡頭徙朔方衆怒猶不足私劍

謂是敢言吏以茲增感激居官厲鋒氣奏對金商門

揣其喉赤車再收族橫尸都亭前妻子不敢哭酒色作

直都殺人藏頭畏尾徒碌碌

金商門後漢書蔡邕傳邕上書自陳曰今年七月召

是下邕于獄有詔減死一都船獄前漢書王嘉傳嘉
等與家屬髡鉗徙朔方

赤車後漢書隗囂傳覆酒色殺人濟書傳咸傳各楊

案口語一奔馳酒色殺人濟書曰衛公曰

以直致禍此由心不直正欲以苟且為明哲耳

拔劍橫左膝噴目悲歌向坐客我初從軍縛袴褶手擊

黃虜弓霹靂生來不識官家貴帶甲持兵但長揖驅馬

來中原尚書奏功級前庭論爵賞後殿賜飲食烏嚙家
兒坐我上壞坐爭言多酒失御史彈文讀且糾待罪驚

憂不敢出還君絳袖兩當衫歸去射獵終南山

烏瓖 晉書武帝欲以郭琦為佐著作郎問琦族人彰

事卿即堪為郎矣按桓圭桓字亦作瓖若烏桓御史

彈文 歸田錄魯簡肅公嘗易服飲酒肆中絳袖柳元

景傳薛安都怒甚乃脫兜鍪解所

平生游俠尚輕利劇孟為兄灌夫弟使酒罵坐人探丸

斫俗吏流血都市中追兵數十騎借問追者誰云是霸

陵杜穉季抽矢弗射是故人兩馬相逢互交臂吾徒豈

相厄便當從此逝泰山羊氏能藏跡北海孫公堪避世

復壁埋名二十年赦書却下咸陽尉歸來故鄉無負郭

破家結客成何濟明季鉤黨之禍無異永康熹平

今我思出門圖作洛陽賈東游陳鄭北齊魯白壁一雙

交王公明珠十斛買歌舞關中輶車方算緡高編我

下荆楚道阻淮南兵貨折河東估朝為猗頓暮黔婁乞

食吹簫還故土

河東賈北史魏宗室傳賈

丈夫少年使絕域從行吏士卒交河卒布衣功拜甘泉

侯獨護高車四十國蒲萄美酒尊中醉汗血名駒帳前

立富貴歸故鄉上書乞骸骨漢使遮玉關不遣將軍入

軍中夜唱行路難條支海上秋風急

西莫過金牛關懸崖鐵鎖猿猴攀南莫過惡道灘盤渦
利石戈矛攢猩啼兮杜鵑叫落日青楓山鬼嘯篁竹
深巖不見天我所悲兮在遠道金牛關惡道灘皆入蜀之道詩中致悲屢矣
結帶理流蘇流蘇紛亂不能理當時羅帷鑒明月皎
容華若桃李一自君出門深閨厭羅綺有人附書還君
到長千里名都鶯花發皓齒知君眷婣娟子太行之
山黃河水君心不測竟如此寄君翡翠之鷓釵傳璣之
墮珥勸君歸來且歡喜卧疾空牀為君起

流蘇已館髻左右餘髮結束作同心帶垂兩肩以珠翠飾之謂之髻富家女子多以青絲效之
傳璣史記李斯傳
璣史記李斯傳

吾將老焉惟糟邱裸身大笑輕王侯禮法之士憎如讐
此中未得逍遙游不如飲一斗頽然便就醉執法在前
無所畏君不見嵇生幽憤阮生哭箕踞狂呼不得意

閨園詩并序

閨園者李太虛先生所創別墅也廣厦層軒迴
廊曲榭門外有修陂百頃堂前列灌木千章采
文石於西山導清流於南浦綠葉被沼紫柰當
窻芳枳樹籬修藤作架白鶴文鷗飛翺廣囿駕
鵝黃鵠遊泳清池豈止都蔗為鄉素馨成幄已
哉况經傳慧遠厨藏金粟之儀山近麻姑壇擬

玉臺之觀果名羅漢花號佛桑紺室聞鐘丹泉
洗藥茲為靈境夫豈塵區而吾師偃仰茂林從
容長薄千里致程鄉之酒十年探禹穴之書赫
夜銅鎗可容一斗茂先寶劍足值千金焚香而
明月滿簾鬪茗而清風入座張華燈而度曲指
孤嶼以題詩若將終焉洵可樂也不謂平原鹿
走一柱蛟飛始也子魚已下虞翻之說既而孝
頃遽來周迪之軍浪激亭湖兵焚巢舍馬矢積
桓伊之墓鼓聲振徐孺之臺將仙人之藥白車
箱俱移天上豈帝子之珠簾畫棟尚出人間雲

卿棄葯圃而不踈少陵辭灤谿而又往放舟采
石浪跡雷塘愛子則痛甚元規故園則情同王
祭望匡山而不見指章水以為言嘿々依人傷
心而已於是嵇生授簡趙子抽毫重邀大別之
雲再續小園之賦庶幾峰連北固不異香爐潮
上邗溝居然溢口心乎慰矣嘆也如何偉業幸
遇龍門曾隨兔苑自灌園於海畔將負笈于山
中願茲三徑之荒已近十年之別願依杖履共
肆登臨弟子昇陶令之興興思彭澤故吏逐謝
公之屐寄念東山爰託五言因成十律華林園

追陪之宴而今渺然浣花潭話舊之游於茲在
西山一統志在新建縣西章江門南浦縣在南昌西南
都蔗通雅曰蔗亦曰惠遠蓮社高賢傳慧遠姓
廬山間曠可以息心乃立精舍及佛位羅至師
即請出禪教諸經于是禪戒典出自廬山幾至
百麻姑山在建羅漢果朱子一詩後遣山
卷佛桑江寧府志如裂紅縞紗又有淡紅者有
湯黃者開夏秋間可程鄉酒曰酒有千日醉當
三月第不能耐冬耳程鄉酒曰酒有千日醉當
是虛言香曰桂陽醉有虞翻注策討黃祖旋
千里酒飲之至家而醉有虞翻注策討黃祖旋
軍欲過取豫章持清翻語曰華子魚自有名士
然非吾敵也如聞其戰具甚少若不開門讓城
金鼓一震不得無所傷害便在前具周迪陳
宣孤意翻既去飲明旦出城遣吏來迎周迪書

周迪傳迪使周敷率眾頓臨川故郡截斷亭湖
江口生擒李孝欽樊猛余孝頃送京師
鄱陽湖一樵舍縣在新建桓伊墓在南昌府徐孺子南昌
名宮亭湖樵舍縣在新建桓伊墓在南昌府徐孺子南昌
郡乘一宅舊祠在東湖南小洲藥臼車箱桃源
上有靖安縣西北上有名孺子臺
山在靖安縣西北上有名孺子臺
壇及龍鬚一豫章元規晉書庾亮傳字廣漢
人紹興間來豫章元規晉書庾亮傳字廣漢
東湖結廬獨居元規晉書庾亮傳字廣漢
量過人蘇峻
之亂遇害

先生家住慶門泊九江船彭蠡春來水匡廬雨後山
先生家住慶門泊九江船彭蠡春來水匡廬雨後山

荷香石浦航稻熟湖田獨坐憑欄久堂虛且晏眠
荷香石浦航稻熟湖田獨坐憑欄久堂虛且晏眠

南昌風土未及園中景物

有客扶藜過空山猿鳥知苔侵蘿徑屐松覆石牀
有客扶藜過空山猿鳥知苔侵蘿徑屐松覆石牀

米炊菰早吳羹斫鱸遲柴門相送罷重訂牡丹期言園中之適

牡丹期白樂天詩唐昌玉蕊會崇敬

性癖耽書畫蹉跎遍兩京提攜詩卷重笑傲客囊輕小

閣尊彝古高人池館清平生無長物端不負虛名言耽書博

好雖傾囊為之弗吝此歐陽之為集古錄也古○文集先生好古博物訪求金石篆刻遇有所

興極歌還哭狂來醉復醒牀頭傾小榼壁後卧長瓶月

出呼漁艇花開幔置亭門前流水急數點暮山青方及國變

長瓶蘇東坡詩一分未到暢亭武夷山記武夷君于虹橋通

上下大會鄉人宴飲

絕壑非人境丹砂廢井留移家依鶴岩穿水遇龍湫白

石心常在黃金藥可求何時棄妻子還伴葛洪游即園之所

見詳其古蹟

丹砂井一統志丹井有二一在南城縣南乃洪崖丹井一在府姑山仙都觀世傳為葛洪丹井

白石神仙傳白石先生者中黃先生弟子也煮白石為糧

我愛東林好還家學戴禺經臺憑恠石塵尾折青松書

卷維摩論溪山曹洞宗欲修居士服持偈問黃龍意同

東林一統志縣南廬山麓曹洞宗傳燈錄臨濟宗

雲門五宗法眼居士六經中惟禮記玉藻有曰錦

帶注謂游黃龍釋曉瑩羅湖野錄廬州羅漢小南禪

道望通亞故叢林目為是大父名既同而

倦榮登臨減名山坐卧圖避人來粟里投老乞菱湖舊
業存榆柳新齋待竹梧亂離知又至安穩故園無後園
非昔景

陶令休官去迎門笑語忙那知三徑菊却怕九秋霜十
具牛誰種千頭橘未荒可憐思愛子付託在滄浪上意同
青史吾徒事先朝忝從臣十年搜典冊萬卷鎖松筠好
友須分局奇書肯借人劫灰心力盡牢落感風塵著述
久買淮陰棹仍登江上樓曉來看北固何處似南州王
謝池臺盡齊梁寢樹秋天涯憂國淚豈為故鄉流

此按當在
序注後

按平原鹿走一段即呈李太虛之所
謂南昌兵變也蓋指金聲桓謀逆事

題王端士北歸草

烏吟集小傳王揆字端士號芝
屢時敏次子順治乙未進士需

次司李養親不出通籍四十年雖未歷仕路而
鄉邦利病靡不闕究文集余早歲忝太常公執
友而端士從余問道端士成
進士十餘年又見其子貴

讀罷新詩萬感興夜深挑盡草堂燈玉河嗚咽聞嘶馬
金殿淒涼見按鷹南內舊人逢庾信北朝文士識崔陵
蹇驢風雪蘆溝道一慟昭陵恨未能此昭陵亦
用杜詩

蘆洲行

錢箋此詩多文移案
牘語蓋自為一體

江岸蘆洲不知里積浪吹沙長灘起云是徐常舊賜莊
百戰勲名照江水祿給朝家禮數優子孫萬石未云酬
西山詔許開煤冶南國恩從賜荻洲蘆洲多江上漲沙
明初以賜勲臣子

孫恒為世業明史常遇春傳明末延齡嗣為懷遠侯言
江都有地名常家沙族丁數千人皆其始祖遠裔請鼓
以忠義練為親江水東流自朝暮蘆花瑟々西風渡金
兵蓋即賜沙云江東流自朝暮蘆花瑟々西風渡金
戈鐵馬過江來朱門大第誰能顧惜薪司按先朝冊勲
產蘆洲追籽粒已共田園沒縣官仍收子弟徵租入我
家海畔老田荒亦長蘆根豈賜莊州縣逢迎多妄報排
年賠累是重糧明史食貨志歲役里長一人甲首一人
董一里一甲之事先後以丁糧多寡為
序十年一丈量親下稱蘆政鞭笞需索輕人命昏吏交
關橫派征差官恐唱難供應江南尺土有人耕踏勘終
無豪占情徒起再科民力盡却虧全課國租輕原注積
年升科
老田本漕白重課指為無糧侵占故有重糧再科後重
糧去而定為蘆課視原額反少減矣甚言害民而又損

國其無詔書昨下知民病解頭使用今朝定沈石田容
座新聞引

益如此桑民懌嘲富翁詩廣買田產真可愛糧長解
頭真可專等待本諱語此直以莊語出之矣早破城中

數百家蘆田白售無人問州乘備採州糧有所謂蘆課
催科較急奏銷課吏亦較嚴

乃國初設蘆政查江岸蘆洲奸民規害所怨產業亦妄
指呈報致累重科經歷任撫按清釐糧去而課存額幸

少減而催征則嚴乃周夢顏蘇松財賦考謂康熙十八
年撫院慕天顏將崑泰版荒田地題作蘆課征收官民

兩利不知仍係版荒則完蘆課休嗟百姓困誅求憔悴
重糧何利之有亦失之不考矣

今看舊五侯只好負薪煨馬矢敢誰伐荻上漁舟君不

見舊洲已沒新洲出黃蘆已盡江潮白萬束千車運入

城草場馬廐如山積樵蘇猶向鍾山去軍中日々燒陵

樹

草場東京夢華錄近新城有禾堆積如山

新箋蘆洲行拒船行馬草行可做杜陵之三吏三字

杜句中有吏夜拒人肥男有母送瘦男獨伶俜俗字

俚語鄉人陶冶而此詩如賠累索解頭使用等字

投船行買脫曉事常行另派馬草行解戶公攤苦差

除頭等字皆係詩中創見

蓋梅村有意學杜故也

捉船行州乘備採自黃斌卿沈廷揚輩奉魯藩屯

人為造水車船封民間船及竹木又括耕牛取皮

破甲午張名振死辛丑撤

姑蘇駐防兵還京師乃寧

官差捉船為載兵大船買脫中船行中船蘆港且潛避

小船無知唱歌去郡符昨下吏如雷快槳追風急搖櫓

村人露肘扭頭來背似土牛耐鞭苦辭船小要何用

爭執洵路人擁前頭船見不敢行曉事篙師斂錢送

船戶家壞十千官司查點候如年發回仍索常行費

另派門攤云雇船君不見官舫冤哉無用處打鼓插旗

馬頭住

官差王仲初詩背似土牛魏書甄琛傳趙修小

杖曉事宋史張忠恕傳門攤續通考金制額外課雇

船張仲舉詩歸時

馬草行

秣陵鐵騎秋風早廐將圍人索芻藁當時磧北起蒲梢

今日江南輸馬草府帖傳呼點行速買草先差人打束

卷四

十二

香芻堪秣飽驂騮不數西涼誇首宿京營將士導行錢
解戶公攤數十千長官除頭吏乾沒自將私價僦車船
苦差常例應須免需索停留終不遣百里曾行幾日程
十家早破中人產半路移文稱不用歸來符取重裝送
推車挽上秦淮橋道遇將軍紫駟鞚轅門芻豆高如山
長衫沒髀看奚官黃金絡頸馬肥死忍令百姓愁饑寒
回首當年開僕監龍媒烙字麒麟院歸有光馬政議國初編戶養馬立羣
頭羣長設官鑄印與守令分民而治天閑鑾逸起黃沙游北三千滿行殿
蔣山南望獵痕燒放牧秋原見射雕寧莖雕胡供伏櫪
不堪極目馬蕭々

莖

導行錢

後漢書呂強傳每郡國貢常例不同晉書賈充傳

芻豆

晉書桓溫傳頗聞劉景升有千觔大牛噉

曉糶

學母粧應早留花稱小圍為憐新繡領故着舊時衣性
急梳難理衫深力易微素匳猶未斂祇道侍兒非

送友人還楚

燈火照殘秋聞君事遠游客心分暮雨寒夢入江樓酒
盡孤峯出詩成眾靄收一颿灘響急落日滿黃州

新翻子夜歌

歡今穿儂衣窄身添扣々欲搔麻姑爪教歡作廣袖

廣袖謝氏詩源李夫人着

含香吐聖火碧縷生微烟知郎心腸熱口是金博山

聖火南史齊武帝紀先是魏地謠言赤火南流喪南

而微云以療疾貴賤爭取之多得其驗二十餘日都下大盛咸云一一

歡有領下貂與儂覆廣額脫儂頭上珠為歡嵌寶石

龍團語羊酪相逢土風異為歡手煎茶調和見歡意

宮扇戒菴漫筆端午賜京官宮扇按此先生為講

皇子慈娘九月立為皇太子十年豫擇東宮侍班誦讀官尚書姜逢元等四人侍班編修吳偉業等六人講讀編修楊士聰等二人校書十一年二月太子出閣十五年正月開講時太子年十四

宣皇清暑幸離宮碧檻青疏十二重七寶鑄銅熏鴨貴

宣鑪千金磁翠鬥雞紅宣密據梧齋塵談明宣成密雞缸

砂盤即所謂積紅盤也上畫玳瑁簾開南內宴

壯丹下有子母雞躍也欲動玳瑁簾開南內宴

南內在禁垣內之翼隅亦有首門二門以及南掖門內

有前後兩殿具體而微旁有兩廡其他離官及圓殿石

橋則皆天順沈香匣啓西川扇

間所增飾

緜中之蟬翼描來雲母輕水紋製就天孫艷丹霞滄起駕

雲軒王母雙成絳節還玉管鳳銜花萬壽銀濤龍蹴海

三山以上皆謂川扇所繪陸深春風堂隨筆今世所用

甚多予收得楊妹子所寫絹面扇摺痕尚存按張孝祥

于湖居士集已有摺骨扇詞吳自牧夢梁錄小市周家

摺搦扇鋪則明朝小史所載撒扇始于永樂中因朝鮮

國進松扇上喜其卷舒之便命工如式製之者殆未確

芙蓉水殿瑠璃徹內家尚苦櫻桃熟九華初御詠招涼

落葉迴風若霜雪

小史宣宗嘗詠六言撒扇詩云湘浦相霞交翠刺溪花雨生香掃却人間

交暑招回天上清涼此豈泛用樂峨眉眉萬里尚方舩難

尾千秋奏御箋公主合歡交翡翠昭容反影鬪嬋娟遭

逢召見南薰殿思陵日昃猶揮汗天語親傳賜近臣史

朝制端陽節賜百官摺扇綵索冬至賜百官紗羅紵絲先生進講

戴暖耳武宗在位獨四時賜百官紗羅紵絲及經筵日

幽風倦野獲編京師最重午節惟閣部大臣及經筵日

殿于西苑翼以幽風亭命閣臣李時翟鑾輩坐講幽風

七月之詩賞賚加等今上甲申乙酉無逸殿燼于火輔

臣奏宜復黃羅帕奉出雕闌畫簷丹青掌上看俸薄買

輪奐一新燕都游覽志燈市南北兩廡凡珠玉寶器無

嫌燈市價不悉有衢中列市棋置數行相對俱高樓

設攬穉簾幙為燕飲地夜恩深攜謝閣門班自離卷握

則然燈于上望若星衢

秋風急蹇驢便面誰人識聞道烽烟蔽錦城齊紈楚竹

無顏色石榴噴火照皇都再哭蒼梧媿左徒舊內謾懸

長命縷新宮徒貼避兵符此指左懋第也明史懋第以

周傳五月南都亡故用石榴噴火以祀時而懸縷帖符

也皆用午日事又懋第奉使致祭梓宮故引用哭蒼梧語

雨夜牀頭搜廢篋摩挲老眼王家物半面猶存蛺蝶

圖空箱尚記霓裳疊蠹粉黃侵瓊樹花麴塵香損紫鸞

車珠衣五翟悲秦女玉墜雙魚泣漢家莫嘆君恩常斷

絕比來舒卷仍鮮潔乍可襟披宋玉風不堪袖掩班姬月

清暑明史與服志宣宗留意芙蓉殿魏志三少帝紀

拾遺記周昭王時塗修國獻丹鵠夏至取便面張書
鵠翅為扇一名施風一名條翻一名障
傳自以一人拊馬師古曰障面則得其便

偶見

合歡金縷帶蘇合寶香薰欲展湘文袴微蕩畫裙

文袴晉書謝尚傳好衣刺文袴

背影立銀荷瓊肌映綺羅燭花紅淚滿遮莫為心多

古意

歡似機中絲織作相思樹儂似衣上花春風吹不去

猿以下咏物詩擬唐李巨山集拈一二字為題用五律寫意杜詩鸚武八章亦其體也

得食驚心裏逢人屢顧中側身探老樹長臂引秋風傲

弄忘形便羈棲抵掌工忽如思父子回叫故山空

索駝

獨任三軍苦安西萬里行鑄銅疑鶴頸和角廢驢鳴山

負祁連重泉知鄯善清可憐終後載汗血擅功名

鑄銅洛陽記漢鑄泉知鄯善博物志燉煌西渡流沙

駝知水脈遇其處停不宥行以足踏地人于蹋處掘

之得水前漢書西域傳鄯善國本名樓蘭王民隨畜
牧逐水草有
驢馬多索駝

象

神象何年至傳聞自戰場齒能齧玉德性不受金創白

足跏趺坐黃門拜舞行越人歸駕馭未許鼻亭狂

金創埤雅服馴巨象以小斧斷之其一一見星月即合黃門拜舞初學記晉諸公贊時南越致馴象于臯澤中養之黃門鼓吹數十人令越人騎之每正朝大會皆入充庭

蒲萄

百斛明珠富清陰翠幕張曉懸愁欲墜露摘愛先嘗色

映金盤果香流玉椀漿不勞葱嶺使常得進君王

露搗本州綱目引魏文帝詔曰蒲萄當夏末尚有餘暑醉酒宿醒掩露而食

石榴

五月華林宴榴花入眼來百株當戶牖萬火照樓臺絳

帳垂羅袖紅房出粉腮江南逢巧笑齟齬向人開原注

石榴多裂北方獨否

蘋婆即柰子郭義恭廣志西方多柰家收切暴乾為畜積謂之一糧

漢苑收名果如君滿玉盤幾年沙海使移入上林看對

酒花仍艷經霜食未殘茂陵消渴甚飽食勝加餐

收名果西京雜記初修上林苑羣上林西京雜記一

如升核紫花青其汁如漆着衣不可說名脂香柰此皆異種也

牛

瑩角偏轅快奔蹄伏軛窮賣刀耕隴上執朝犒軍中游

刃庖丁技扶犁田父功君王思繭粟座右置幽風原注時頑戒殺牛文

瑩角劉孝威青女畫贊朗偏轅晉書石崇傳牛本不及

反制之可聽偏轅則駛矣

此首應在蒲
菊前一首

文官果

文林郎果也陳藏器本草拾遺文林郎生渤海間云其樹從河中浮來有文林郎拾得種之因以為名李珣海藥錄文林郎南人為椹李時珍釋名即來禽也或又謂文官果即文光果出景州形類無花果因味如栗五月成熟無核大不類也

近世誰來尚何因擅此名小心冰骨細虛體綠袍輕味以經常淡香從入手清時珍誇眾口殺核太縱橫

冰

清濁看都淨長安喚買冰見來消易待欲問價偏增潔自盤中顯涼因酒後勝若求調變理坐上去青蠅

大根菜

幾葉青々古穿泥弗染痕誰人愛高潔留汝歷涼温輪

困形難老芳辛味獨存古來磐石重不必取深根

王瓜

同摘誰能待離々早滿車弱藤牽碧蒂曲項戀黃花客醉嘗應爽兒涼枕易斜齊民編月令瓜秩重王家

新竹人曰按羣芳譜分黃瓜王瓜為二黃瓜在蔬譜王瓜在藥譜云結子如彈丸此詩蓋咏黃瓜耳

豇豆

綠畦過驟雨細束小虹蜺錦帶千條結銀刀一寸齊貧

家隨飯熟餉客借糕題五色南山豆幾成桃李蹊

糕蘇州府志豇豆赤黑色四月種六月熟可為糕又名沿江十八粒

楚雲并叙

楚雲字慶娘余以壬辰上巳為朱子葵子葆子

容兄弟招飲鶴洲同集則道開師沈孟陽張南

垣父子妓有晚生者與慶娘同小字而楚雲竄

明慧可喜口占贈之子葵兄弟秀水人皆文恪

開俗姓沈名自扁結廬吳門山塘又住廣生庵

詩字並佳又善山水得意外之趣居易錄張然

字陶菴其父弼南垣按晚生姓王氏

名妓玉烟之妹工奕善畫蘭竹

十二峯頭降玉真楚宮被袂采蘭人陳思枉自矜能賦

不詠湘娥詠洛神

白蘋江上送橫波擬唱湘山楚水歌却為襄王催按曲

故低紈扇簇雙蛾

越羅衫子揉紅藍楚玉鸞雖鏤碧簪莫羨鴉頭羅韞好

一鉤新月印湘潭頭深而允底卒者也今俗謂之既子

謂薄草小履也即張衡同聲歌鞞芬以狄香者也印角

謂當印其角舉足乃行二者皆為婦人屨也按兌同銳

印同仰所謂鴉頭羅

韞漢時即有其製

新篋下若酒頻傾楚潤相看別有情小戶漫紉還一笑眾

中觥政自縱橫何晦撫言鄭合敬及第後宿平康里詩

好是五更殘酒醒時

時妓之尤者今雖以名同用其句然亦因高第相似故

紉即糾字類說凡飲以一人為錄事以糾坐人謂之

紉席糾又老學菴筆記蘇林黨政和中至東都見妓

前輩謂妓曰此猶存唐舊為可喜

風流太守綠莎廳陽知府故云近水天桃入畫屏最是

楚腰嬌絕處一雙鷓鴣起沙汀未句并及晚生

綠莎廳事文類聚河中府有

范蠡湖邊春草長楚天歸去載夷光范蠡湖上在人間

別有朱公子騎鶴吹笙是六郎用朱姓事映鶴洲

畫梁雙燕舞衣輕楚腰肢總削成記得錢唐兩蘇小

不知誰箇擅傾城此首兼及晚生故云兩蘇小雙燕楚用字巧妙

廬山攜妓故人留白社留連謁惠休早為朝雲求半偈

楚江明月上黃州道兼及開

朝雲子瞻悼朝雲詩引朝雲常從泗上比邛尼義冲學佛亦畧聞大義誦金剛經四句偈而絕

題朱子葵鶴洲草堂明詩綜朱茂時字子葵秀水縣學生承廡官至貴陽知府

有咸春堂遺稿一統志裴休故宅在秀水縣南休唐宰相後捨宅為真如寺按鶴洲在其旁

別業堂成綠野邊養雖丹頂已千年仙人收箭雲歸浦

道士開籠月滿天竹下縞衣三徑石雪中清唳五湖田

裴公舊宅松陰在不數孤山夜放船

收箭會稽記射的山南有白鶴山此崔為仙人取箭漢書太尉鄭宏嘗採薪得一箭頃有神人至問

願欲宏曰嘗患若耶谿載薪為難願旦南風暮北風後果然

曉發

曉發桐廬縣蒼山插霧中江村荒店月野戍凍旗風衣為

裝繇暖顏因被酒紅日高騎馬滑愁殺白頭翁

客路

客路驚心裏棲遲苦未能龍移對江塔雷出定龕僧注原
近武事林黑人談席臺荒吏按鷹清波門外宿潮落過西興

苦雨

亂烟孤望裏雨色到諸峯野漲餘寒樹江昏失暝鐘夜
深溪確近人語釣船逢愁聽惟支枕艱難媿老農

過朱買臣墓

原注在嘉興東塔雷音閣後即廣福
講院。一統志朱買臣墓在嘉興縣
東三里東塔寺後其妻墓在縣北十八里一名
羞墓東塔寺梁天建中建

翁子窮經自不貧會稽連守拜為真是非難免三長史
富貴徒誇一婦人小吏張湯看踞傲故交莊助嘆沉淪
行年五十功名晚何似空山長負薪

補襖

壬辰上巳蔣亭彥篆鴻陸我謀於鴛湖襖飲余
後三日始至同集有道開師朱子容沈孟陽徵

詩以補襖事余分得知字

嘉興府志蔣王立字
亭彥嘉善人拔貢有

恭茹堂集按志稱玉立弟雲翼字鳴大甲午舉

人瑒字禹書辛卯副榜有武塘三蔣之目篆鴻

穎其一也陸野字我謀平湖庠生為當湖七子

領袖明詩綜朱茂明字子容秀水縣學生有鏡
雲亭集

春風好景定昆池散誕天涯却誤期溱洧漫褰芳杜晚
維濱瀕泛羽觴遲右軍此會仍堪記白傅重游共阿誰
故事襖堂看賜柳年來無復侍臣知

定昆池唐書安樂公主傳嘗請昆明池為私沼帝曰
衰數白傳重游樂天詩序開成二年三月三日河南
裴令公明日詔太子太傅白居易賜柳制三月三日
賜侍臣細柳園合晏于舟中
言帶之免蠱毒

贈劉虛受

中歲交朋盡新知得此翁道因山水合詩向病愁工悟

物談功進亡情耳識空原注真長今第一兄弟擅宗風

耳識梁武帝淨業賦觀一之真長晉書劉惔傳字

惔第一復誰惔
曰故在我輩

識面已頭白論心惟草元孝標三世史摩詰一門禪獨

宿高齋晚微吟細雨天把君詩在手相慕十年前

三世史南史劉峻傳字孝標本名法武懷珍從父弟

典校秘閣不載其為史也峻本將門不載其三世為

史也或以論費中有懷珠宗族文質斌自宋至梁

題駕湖閨詠詩話黃媛介嘉興儒女能詩善畫

門媛介詩名曰高有以千金聘為名入妾者其

也媛介和余詩曰月移明鏡照新粧閨清吟

已雁行花裏雙巢翡翠池中和章一自蓬飛求

避地詩成何處寄蕭娘罷吟紈扇禮金仙欲洗

錢山中自護燒丹井世上誰耕種玉田磊磊明

獨迴車牽羅補屋詩偏逸織錦成紋意自如
怪幽懷人不識目空禹穴舊歲書往來何處自
仙壇飄忽回風降紫鸞句落錦雲驚韻險思縈
綵華惜才難飛花滿徑春情淡新水平隄夜雨
寒憶昔金閨曾比調莫愁于綺靡黃觀只獨為
後屬和者衆粧點閨閣過于綺靡黃觀只獨為
詩非之以為媛介德勝于貌有阿承醜女之名
何得言過其實此言最為雅正云池北偶談未
中閨秀黃媛介字皆令負詩名數十年近為余
畫一小幅自題詩云懶登高閣望青山媿我年
來學閉關澹墨遙傳標緲意孤峯只在有無間
皆令作小賦頗有魏晉風致少時太倉張西銘
溥聞其名往求之改字不可聞張言即約某日會
父兄屢勸之改字不可聞張言即約某日會
所設屏幃觀之既罷語父兄曰吾以張公名士
欲一見之今觀其人無命可惜也時張方
入翰林有重名不逾年竟卒皆令與公名元勳未
是審孰

石州螺黛點新粧小拂烏絲字幾行粉本留香泥蛺蝶

錦囊添綫繡鴛央秋風搥素描長卷春日鳴箏製短章

江夏只今標藝苑無雙才子掃眉娘攜李詩繫媛介文學

俱擅麗才媛介尤有聲書法鍾王人以衛夫人目之

畫亦點染有致按首章稱其家世才學之美

按王貽上觀黃皆令書扇詩歸來堂裏罷愁粧離隱

歌成淚數行才調祇因同衛鑠風流底許嫁文鴛蕭

蘭宮掖裁新賦香茗飄零失舊章今日貞元搖落客

不將巧語憶秋娘自注皆令有離隱詩序予產自清

門歸于素士兄姊媛貞雅好文墨自幼慕之乙酉逢
亂轉徙吳閭羈遲白下後入金沙閉跡墻東雖衣食
取資于翰墨而聲影未出乎衡門古有朝隱市隱漁
隱樵隱予殆以離索之懷成其肥遯之志焉爰作長
歌題曰
離隱云
休言金屋貯神仙獨掩羅裙淚泣然粟里縱無歸隱計

鹿門猶有賣文錢女兒浦口堪同住新婦磯頭擬種田

夫婿長楊須執戟不知世有杜樊川馮李詩繫適揚元

為閨塾師以老次章微指其事而和詩
第三首正答此意針鋒緊對可畏也

絳雲樓閣敞空虛女伴相依共索居學士每傳青鳥使

蕭娘同步紫鸞車新詞折柳還應就舊事焚魚總不如

記向馬融談漢史江南淪落老尚書詩話媛介客于虞

中樓燬于火尚書亦宇落嘗為媛介詩序有今昔之感
按媛介詩序有云絳雲樓新成吾家河東邀皆令至硯

畫筆林清琴柔翰篇什流傳又云在南宗伯署中間園
數畝老梅盤擎烽烟旁午訣別倉皇皆令擬河梁之作

河東抒雲雨之章云
此章正叙其事

誰吟紈扇總詞壇白下相逢吳綵鸞才比左芬年更少

婿求韓重遇應難玉顏屢見鶯花度翠袖須求烟雨寒

往事只看予薄命致書知己到長干詩話吳岩子及卞

得此書因并及之當在南都時元
文尚未適人故有婿求韓重之句

附嘉興李良年詩黃皆令歸吳揚世功索詩送行曾
因廡下棲吳市忽憶藏書過若邪愁殺駕夾湖口月

年以相對是天涯盛名多恐負清閒此去蘭陵
好閉閣柳絮滿園香茗坼侍兒添墨寫青山

釣臺

少有高名隱富春南陽游學為亡新高皇舊識屠沽輩

何似原陵有故人

原陵漢書明帝紀堊光
武皇帝于

嘉湖訪同年霍魯齋觀察浙江通志分巡嘉湖道
霍達字魯齋陝西人順

治八年任陝西通志崇禎辛未
進士霍達長安人歷官至尚書

官舍鶯聲裏旌旗拂柳隄湖開山勢斷塔迴樹痕齊世

路催青鬢春風到紫泥還看鮑司隸驄馬灞橋西

踪跡知何處溪山興不孤閒庭供鳥雀仙吏得燕鱸紅

荔涪江樹青楓笠澤圖頊教趙承旨烟雨補南湖

門外銀塘滿鷗飛入晚衙公田若下酒鄉夢杜陵花水

碓筒輸紙溪船篋貢茶看雲堪拄笏幕客莫思家

若下一統志若溪在湖州府長興縣南亦作若南岸

醇美南史陳武貢茶唐時充西湖州以願諸為上

羽蓋菰城道春風行部勞長公山郡簡小杜水嬉豪簫

鼓催征騎琴書壓畫舫獨憐憔悴客剪燭話同袍

菰城湖州府志一在府長公小杜寧中使知湖州

小杜謂杜牧唐書杜牧傳乞為湖州刺史

贈郡守李秀州隆吉一統志嘉興府晉天福四年

府志知府李國棟錦州人順治六年任

偶值溪山勝相逢太守賢邀人看水閣載酒上菱船鶴

料居官俸魚租讌客錢今朝風日好春草五湖烟

鶴料曾彦和詩寧羨一囊供

贈糧儲道步公原注乾州人副使崇禎十六年進士按

文政國朝任蘇松督糧道

臨湘家世擁旌旄，策馬西來劍佩高。
華嶽風雲開間氣，乾陵草木壯神臯。
山公盡職封章切，蕭相憂時饋運勞。
青史通侯餘事在，江南重見舊人豪。

臨湘 吳志步騭傳赤烏九年代 乾陵 一統志唐高宗乾陵在乾州西北

山塘重贈楚雲 原注楚雲故姓陸雲間人

宣公橋畔響輕車，二月相逢約玩花。
指是年烏桕着霜

還繫馬，停鞭重問秦娘家。

宣公橋 一統志一里 在秦娘劉禹錫秦娘歌引秦

者尚書為吳郡得之命樂工誨之琵琶使歌且舞携

歸京師京師多新聲善工又指去故技以新聲度曲

而秦娘名字往見稱于貴游之間元和初尚書薨

于東居民間久之為蘄州刺史張遜所得遜坐事謫

家住橫塘小院東，門前流水碧簾櫳。
五茸門外新移到

傲殺機雲女侍中

五茸城 松江府志五茸城在華亭谷東吳王獵所

月夜分攜幾度圓，語溪芳草隔雲烟。
那知閭闔千條柳

拋撇東風又一年。
謂別後留滯嘉興

挾彈城南控紫駟，歲華春鎖玉人留。
花邊別有秦宮活

不數人間有稅侯

秦宮活 李長吉詩秦宮稅侯 漢書金日磾傳日磾自

十年賜出宮女不敢近武帝遺詔
封柅侯按詩意蓋自謂不近女色

題志衍所畫山水文集志衍工詩歌善尺牘九愛圖繪有元人風

畫君故園之書屋午榻茶烟蔣花竹著我溪邊岸葛中
十年笑語連牀宿畫君蜀道之艱難去家萬里誰能
還戎馬千山西望哭杜鵑六月青楓寒今之此圖何者
是黯澹蒼茫惟一紙想像雲山變滅中其人與筆寧生
死我思此道開榛蕪東南畫脉多蕭疎君嘗展卷向余
說得及荆關老輩無巫山巫峽好粉本一官大笑詩吾
徒此行歸來埽素壁捫腹滿貯青城圖只今猶是江南
樹憶得當時送行處楊柳青々葭莢邊雙槳搖君此中去

題孫銘常畫蘭

誰將尺幅寫瀟湘窮谷無人吹氣香斜筆點芽依蘚石
雙鉤分葉傷篔簹謝家樹好臨芳砌鄭女花堪照洞房
我欲援琴歌九畹江潭搖落起微霜

楚兩生行并序

蔡州蘇崑生維揚柳敬亭其地皆楚分也而又
客於楚左寧南駐武昌柳以談蘇以歌為幸舍
重客寧南沒於九江舟中百萬眾皆奔潰柳已
先期東下蘇生痛哭削髮入九華山久之出從
武林汪然明然明亡之吳中吳中以善歌名海

內然不過嘽緩柔曼為新聲蘇生則於陰陽抗
墜分寸比度如崑刀之切玉叩之栗然非時世
所為工也嘗遇虎邱廣場大集生晚其旁笑曰
某郎以某字不合律有識之者彼楚儂乃竊言
是非思有以挫之間請一發聲不覺屈服願少
年耳剝日久終不肯輕自貶下就蘇生問所長
生亦落落難合到海濱寓吾里蕭寺風雪中以
余與柳生有雅故為立小傳援之以請曰吾浪
跡三十年為通侯所知今失路憔悴而來過此
惟公一言與柳生並傳足矣柳生近客於雲間

帥識其必敗苦無以自脫浮湛傲弄在軍政一
無所關其禍也幸以免蘇生將渡江余作雙兩

生行送之以之寓柳生俾知余與蘇生游且為

柳生危之也文集柳敬亭傳柳敬亭者揚之泰

州人蓋曾姓年十五犷悍無賴名

已撫其樹願同行數十人曰嘻吾今氏柳矣後

三此固向年過江時休樹下者到皆驚有識之

日伯良玉明史左良玉傳檄討馬士英疾已

劇至九江嘔血數升是夜死時順治二年四月

也汪然明墓志然明諱汝謙居歛之叢睦所至

公卿虛席勝翕集剗江觀濤之容三竺灑囊之

僧西陵油壁之伎靡不擊箱奉席傾囊倒篋人

厭其意板橋雜記柳敬亭寧南已敗又游松江

馬提督軍中鬱不得志年八十餘矣按雲

間帥即提督馬進寶本羣盜降者駐松江後以

後逆
伏誅

黃鵠磯頭兩楚生
征南上客擅縱橫
將軍已沒時世換
絕調空隨流水聲
一生挂頰高談妙
君卿唇舌溥于笑
痛哭長因感舊恩
詼嘲自足陪年少
途窮重走伏波軍
短衣縛袴非吾好
抵掌聊分幕府金
寨裳自把江村釣
文集柳敬亭傳良玉軍諜而南奉詔駐皖城守皖者杜將軍宏域兩人用軍事不相下念非生莫解者乃檄生進之左帳下用長刀遮客引就席坐客咸振帽失次生拜訖索酒詼嘲諧笑旁若無人者左大驚自以為得生晚也左起卒伍少孤貧與母相失請貶封不能得其姓泪承睫不止生曰君侯不聞天子賜姓事乎此吾說書中故實也大喜立具奏左武一生嚼微與舍商笑殺江人即以爲知古今識大體矣
南古調亡洗出元音傾老輩疊成妍唱待君王一絲縈

曳珠盤轉半黍分明玉尺量
最是大隄西去曲累人腸

斷杜當陽憶昔將軍正全盛
江樓高會誇名勝生來索

酒便長歌中天明月軍聲靜
將軍聽罷據胡林撫髀百

戰今衰病柳敬亭傳左出所畫已像二其一關隴破賊圖也覽鏡自照嘆曰良玉天下健兒也而今

衰一朝身死樹降旛
貔貅散盡無橫陣祁連高塚泣西

風射堂賓客嗟蓬鬢良玉傳諸將秘不葬喪共推其子夢庚為留後夢庚偕黃澍以衆降

江于九羈棲孤館伴斜曛
野哭天邊幾處聞草滿獨尋江

令宅花開開吊杜秋墳
鷓鴣絃屢換尊前舞鼉鼓誰開江上

軍楚客祇憐歸未得
吳兒肯道不如君我念邗江頭白

叟滑稽幸免君知否
失路徒貽妻子憂脫身莫落諸侯

鶴

手再柳傳逮江上之變生所攜及留軍中者亡散累千金
從逆坎壞繇來為盛名見君寥落思君友老去年來消
也

息稀寄爾新詩同一首隱語歲名待客嘲姑蘇臺畔東

風柳板橋雜記柳八十餘遇余宜睡

黃鵠磯軒中猶說秦林寶見姑娘也杜當

陽晉書杜預傳以功進爵當陽侯按良玉傳崇禎十

湖北故以大隄引出武昌當陽屬安陸府與武昌俱隸

口占贈蘇崑生

樓船諸將碧油幢一片降旗出九江獨有龜年卧吹笛

暗潮打枕泣蓬窻

卧吹笛唐書漢中王瑀傳常早過永興里聞笛音顧

工驚謝

有客新經墮淚碑武昌官柳故垂扁舟夜半聞蘆管

猶把當年水調吹

西興哀曲夜深聞絕似南朝汪水雲回首岳侯墳下路

亂山何處墓將軍起二句用金姬別傳李嘉

汪水雲西湖新志汪元量字大有度宗時以善琴出

瓊英皆故人善詩相和後還錢唐往來彭蠡間風

北遷及將南還少主平原公以下及宮嬪一十七人

咸賦詩祖道既歸後少主有詩云寄語林和靖梅花

不歸來蓋即還元量作

故國傷心在寢邱
蒜山北望淚交流
饒它劉毅思鵝炙
不比君今憶蔡州
原注蘇生固始人即楚相寢邱也
親故出射江州刺史庾悅與僚佐往來詣堂毅告乞讓
悅不許既而悅食鵝炙毅求其餘又不答毅常銜之義
熙中故奪悅豫章解其軍府悅忿懼而死
詩意言他人念舊惡君獨思故恩也

課女

漸長憐渠易將衰
覺子難晚來燈下立
攜就月中看弱

喜從師慧貧宜失母寒亦知談往事生日在長安

茸城行

刺松江提督馬進寶也進寶降後改名逢
知董舍三岡志畧馬逢知起家羣盜由浙
移鎮雲間貪橫僭侈民殷實者械至倒懸之以
醋灌其鼻人不堪無不傾其所有死者無算復
廣佔民廬縱兵四出劫掠時海寇未靖逢知密
使往來江上之變先期約降要封王爵反形大

露科臣成公肇毅持疏糾之朝廷恐生他變溫
旨徵入繫獄妻子發配象奴未幾與二子伏法
東市當逢知之入覲也珍寶二十餘船金銀數
百萬他物不可勝計綿亘百里及死無一存者

朝出胥門塘暮泊佘山麓旁帶三江襟扈瀆五茸城自

何王築泖塔霜高稻葉黃澱湖雨過蓴絲綠百年以來

誇勝事丹青圖卷高珠玉學士揮毫清秘樓謂董元宰徵君

隱几道遙谷謂陳仲醇前輩風流書畫傳後生賢達聲華續

給事才名矯若龍謂陳大樽山公人地清如鵠謂夏汗簡銷

沉又幾秋滄江屢建高牙纛不知何處一將軍到日雄

豪炙手薰羊侃後房歌按隊陳豨賓客劍成羣刻金為

漏三更箭錯寶施沐五色文異物江淮嘗月進新聲京

雖自天聞承恩累賜華林宴歸鎮高談橫海勳未見尺
書收草澤徒誇名字得風雲此地江湖縮鎖鑰家擅陶

朱戶程卓千箱布帛運輶車百貨魚鹽充邸閣將軍一

一數高賢下令搜牢徧墟落中州集蕭貢維陽詠曰董卓搜牢連數月郭威分集

又三朝皆切盜賊用非為仇家告併兼即稱盜賊通囊橐望屋遙

窺室內藏算緡似責從前諾敢信黔婁脫網羅早看猗

頓填溝壑窟室飛觴傳箭催博場戲責橫刀索縱有名

豪解折行可堪小戶勝狂藥將軍沉湎不知止箕踞當

年任頤指拔劍公收伍伯妻鳴驃射殺良家子堅瓠集馬進寶

鎮海上柳敬亭侍飯有鼠矢怒將殺膳夫柳乘間取啖曰是黑米乃已江表爭猜張敬兒

軍中思縛盧從史枉破城南十萬家養士何無一人死

貪財好色英雄事若輩屠沽安足齒謂可決其必敗迨後從逆收捕斃死遂如

左君不見夫差獵騎何翩翩五茸春艸城南天雉媒飛

起發雙矢西施笑落珊瑚鞭湖山足紀當時勝歌舞猶

為後代傳陸生文士能為將勳名三世才難量河橋雖

敗事無成睥睨千秋肯誰讓代有文章占數公煙霞好

處偏神王兵火燒殘萬卷空大節英聲未凋喪謂松江諸公如

中書李待問博羅知縣章簡吏部主事夏允彞給事
中陳子龍諸生戴宏徐念祖等先後殉節者也一朝

遽落老兵手百里溪山復何有已見衣冠拜健兒苦無

邛壑安窮叟茸城楊柳鬱婆娑欲繫扁舟奈晚何盤龍

浦上人行少
啖鶴灘頭戰艦多
我望嚴城聽街鼓
鱸魚沽酒扣舷歌
側身回視忽長笑
此亦當今馬伏波
始見

其姓時尚未伏誅也

佘山一統志松江府青浦縣在滬瀆松江下流也

隱逸傳潘師正羊侃南史也姬妄列侍窮極奢靡

者居唐書食貨志江門左為茶葉庫有房右為錢

月進志光祿寺大門內左為茶葉庫有房右為錢

鈔庫華林宴南史王儉傳高帝幸華林宴集使各

右橫海勳漢書漢帝紀東越王反遣橫邸閣運典後

魏于水運處立軍韓說出會稽擊之廣川王姬昆

通所俗名為倉也囊索弟及王同族宗室劉調等

國吏園守王宮搜索調等折行位輩行李刺就謁

江表晉書虞溥傳溥撰一府張敬兒傳南陽冠軍人

也封襄陽侯太祖崩一疑遣盧從史唐書擢拜

使與蠻中交闕世祖疑其有異志至奪部將妻帝

昭義節度副大使既得志寢恣不道至奪部將妻帝

用裴洎謀勅承璫圖之承璫伏壯士幕下伺其來與

語後縛起梓持出河橋晉書陸機傳列軍自朝歌至

帳于鹿苑盤龍浦松江府志長沙王奉天子與機

戰軍大敗而泐沉行緩逾一雁飲此水其聲則清

京江流自急客思竟何依
白骨新開壘青山幾合圍
危樓帆雨過孤塔陣雲歸
日暮悲笳起寒鴉漠漠飛

衰病重開亂憂危往事空殘村秋水外新鬼月明中樹

出千帆霧江橫一笛風誰將數年淚高處哭途窮

送張學博孺高之官江北孺高名誼州人蘇州府學歲貢由如臯訓導陞

教諭

薄宦非傍郡孤舟幾日程詩傳沛子弟禮問魯諸生水

冽官厨釀城荒射圃耕北來車馬道猶喜簡逢迎

送林衡者閩歸文集衡者名佳璣興化之莆田人詩話少游黃忠烈之門以壬辰二月來婁東所著詩文詞數十卷詩蒼深秀渾古

文雅健有法其行也余贈以詩已而道阻再遊

吾州則秋深木落鄉關烽火南望思親旅懷感詫有聽鐘鳴悲落葉之風焉

五月關山樹影圓送君吹笛柳陰船征途鷓鴣愁中雨

故國枕椰夢裏天夾漈草荒書滿屋文集叔文小眉公

衡者能世其家連江人去鴈飛田無諸臺上休南望海色秋風

又一年

無諸臺一統志漢閩越王無諸墓在閩縣南二里有廟在南臺山又

仙山上越王無諸嘗于重九日作登高宴大石尊尚存

聽朱樂隆歌錢箋樂隆吾里中老人也

少小江湖載酒船月明吹笛不知眠只今憔悴秋風裏

白髮花前又十年

一春絲管唱吳趨得似何戡此曲無自是風流推老輩

不須教染白髭鬚

開元法部按霓裳曾和巫山窈窕娘見說念奴今老大
白頭供奉話岐王此志朱曾和宮女歌其人其事俱未詳

誰畫張家靜婉腰輕綃一幅美人蕉會看記曲紅紅笑
喚下丹青弄碧簫

靜婉梁書羊侃傳舞人咸推能掌上儷紅紅張府唐伎一尺六寸時人咸推能掌上儷紅紅張府唐伎

歌于市韋青納為姬敬宗召入宮弭記曲娘子

長白山頭蘆管聲秋風吹滿洛陽城茂陵底事無消息

迦邏檀槽撥不成

楚雨荆雲雁影還竹枝彈徹淚痕斑坐中誰是沾裳者

詞客哀時庚子山

傲唐人本事詩為定南王孔有德女賦按八旗通

言臣父孔有德死節桂林蒙賜葬仍命廟祀泣

世祖章皇帝軫念孤忠易名北討南征勲猷茂

思先臣航海投誠舍生報國祈再沛成命速令興

著今莞報孤女僅延一線天劫忠氣俱感激

工則勞臣報國之靈與普天劫忠氣俱感激

無涯矣得報國之靈與普天劫忠氣俱感激

定國所擄惟女每存特恩照和碩格食

俸四貞適孫延齡十二特恩照和碩格食

聖祖仁皇帝以延齡為撫蠻將軍率師駐防廣

西祖仁皇帝以延齡為撫蠻將軍率師駐防廣

聘就蛾眉未入宮待年長罷主恩空旌旗月落松楸冷

身在昭陽宿衛中

錦袍珠絡翠兜鍪軍府居然王子侯自寫赫蹏金字表
起居長信閣門頭

長信漢書百官表長信少府以太后所居宮為名也

藤梧秋盡瘴雲黃銅鼓天邊歸旄長遠媿木蘭身手健
替耶征戰在他鄉

新來夫婿奏薰官下直更衣禮數寬昨日校旗初下令
笑君不敢舉頭看

小春月廿有六日錄畢于漳州試館

